


0 10 20 30 40 50 60 70 80 90 100 110 120 130 140 150 160 170

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

Kodak Color Control Patches

22-6512
4432-066
=34



蘇州府志卷第一百八

人物目錄

流寓下

明

陳基

陶安

徐賁

王禕

王彝

張著

子規

董遠

張羽

余堯臣

高遜志
唐肅

李幹

姜漸

孫作

葛天民

吳福 子憲

陶俊

莊公瑾

鄒彬

任孜

朱先

周天球 施允昌

雷翀

孫二元

方太古

宗伯昭

蔣乾

王圻

王穉登

子無曲留

管志道

子珍

趙宦光

子均

陳繼儒

王醇

范汭

程嘉燧

婁堅

宋珏

吳拭

程智

姜琛 弟核 琛子安節
實節 核子寓節

董元哲

鍾曉

劉永錫

子臨

黃周星

本朝

陳瑚

張拱端

喻昌

沈祖孝 及丹生

錢澄之

顧祖禹 父柔謙

吳偉業

陶澂

周翥 父式

李仙根 父實

沈荀蔚 父雲祚 張士偉

戴易

李栴

吳苑

周篆 子廉

楊賓 弟寶

張遠

趙執信

吳彥芳

唐甄 父階泰

程大儒 子文煥

方殿元 子還 朝

王材任

施何牧

閻若璩

朱襄

陸隴其

李馥

魏荔彤

黃叔琳

高孝本

戴瀚

阮學濬

陳奕禧

許鎮

張嘉慶 子虞

蔡寅斗

鄭念榮 子邦柱

沈用濟

邵觀 弟泰

吳瞻淇

任啟運

翁照

柏謙

許玉猷

汪廷揚 子獻瓚 孫本莊 獻芝

吳懋政

盛百二

蔣德

王恒

沈祖惠

子榮河

王鳴盛

錢大昕

畢沅

段玉裁

黃軒

兄騰達

孫星衍

張問陶

錢坫

印鴻緯

徐臻


張詒

沈元掄

蘇州府志卷第一百八

人物

流寓下



陳基字敬初臨海人少與兄聚受業於黃潛從潛遊京師授經
延檢討嘗為人草諫章力陳並后之失帝怒欲罪之遂引避
歸里奉母入吳教授諸生南北用兵朝廷開行樞密府起為
都事轉江浙行省郎中張士誠為太尉基參謀軍府事士誠
稱王基獨諫止士誠欲殺之不果已而超授內史遷學士院
學士一時書檄碑銘傳記多出其手及士誠就俘基從入京
獨得宥免預修元史賜金而還洪武三年十月卒於常熟河

陽里之寓舍其文辭清雅所著有夷白集

尤義陳基傳參姑蘇志

董遠字仁仲天台人少以遠大自期不事家人生產精朱氏書

兼通左氏春秋至正中試有司不中遂留錢塘已入吳止天

平山復寓松陵之梅花莊張士誠聞遠名奉書幣迎之遠受

書返幣堅臥不起使再及門乃避地錦峯依浮屠以居吳元

年徵至京師以沈默不稱旨謫居濠梁八年用薦授莆田知

縣時年六十餘以循良稱後卒於吳

張景人物志

安當塗人寓虎邱半塘寺用薦官至翰林學士謀畧文章時

推第一詩亦拔俗

吳門補乘

張羽子來儀後以字行

姑蘇志更字附鳳

本溇陽人從父宦江浙兵阻

不獲歸與友徐賁約卜居吳興領鄉薦爲安定書院山長再

徙於吳洪武四年徵至京師應對不稱旨放還再徵授太常

司丞太祖重其文十六年自述滁陽王事命羽撰廟碑尋坐

事竄嶺南未半道召還羽自知不免投龍江以死羽文章精

潔有法尤長於詩作畫師小米

明史

徐賁字幼文其先蜀人徙常州再徙平江工詩善畫山水張士

誠辟爲屬已謝去吳平謫徙臨濠洪武七年被薦至京九年

春奉使晉冀有所廉訪暨還檢其橐惟紀行詩數首太祖悅

授給事中改御史巡按廣東又改刑部主事遷廣西參政以

政績卓異擢河南左布政使大軍征洮岷道其境坐犒勞不

時下獄瘐死明史

余堯臣字唐卿永嘉人早以文學著客居會稽越鎮帥院判邁

善卿參政呂玘羅致幕下與有保越之功薦剡交上無意仕

進於越之桐桂里治圃結茆署曰菜邁已而入吳居北郭與

高啓張羽為北郭十友即所謂十才子也十人姓名詳見啓文苑王行傳

送唐肅序曰余世居吳北郭同里交善者惟王止仲一人十

餘年來徐幼文自毘陵高士敏自河南列朝詩傳高遜志字

嘉興徙吳門受業於貢師泰周伯琦鄭元汝南人元末寓

不入翰林累遷侍讀學士建文時為太常右少卿靖難後存

會稽二肅至正壬寅舉鄉試張士誠時為杭州黃岡書院山

長遜嘉興路儒學正士誠敗例赴京尋以父喪還洪武三年

用為召修禮樂書擢應奉翰林文字其秋余唐卿自永嘉張

來儀自潯陽各以故來居吳皆與余鄰於是北郭之人物遂

盛矣吳亡之後與楊基徐賁同被徵謫濠洪武二年放還授

新鄭丞詩傳

王禕字子充義烏人洪武間官翰林待制奉使雲南死節未仕

時寓居吳淞甚久集中有吳江客中冬至及吳江別運上以

詩江南通志

李幹字貞臣睢州人仕元為許州同知後以戶部侍郎佐擴廓

軍兵敗俘至鎮江已而選入司農司議禮律官制皆預焉及

建六部以為吏部郎中兼秦府相參軍召議藩封後斥居寧

夏又召入為翰林待詔直內閣以老致仕來蘇依友人盛棣年八十六卒逮為買地黃山葬之幹通先代典章明國初制

作議論英爽一時稱之

王賓撰傳

王彝字常宗其先蜀人父某教授崑山彝遂居於崑又徙嘉定少貧讀書天台中師事孟長文長文為金履祥弟子故彝之學遠有端委為文清嚴縝密明暢英發不逐時好時楊維禎以文章雄視東南一時多尚之彝獨目為文妖作文詆之洪武初與修元史書成以母老辭歸後與高啓俱坐魏觀事死自號媯雌子有三近齋橐

姑蘇志參詩傳

姜漸字羽儀諸暨人至正間僑居吳中張氏時起為淮南行中

書左右司都事未幾罷歸以著述為事洪武初徵拜太常博

士卒漸學識超詣為文溫雅平實

姑蘇志

西著字則明永嘉人元季避兵常熟遂家焉洪武初舉進士授

膺施知縣陞臨江府同知所至有治績卒於官歸葬海虞著

持行清謹鄉望甚尊其文醇正有則詩清婉所著有永嘉集

長安唱和集易經精義子規字運生學行能世其家

鄧志

孫作字大雅以字行一字次之江陰人詩以蘇黃為師為文醇

正典雅嘗著書十二篇號東家子宋濂為作東家子傳謂他

人之文束於理則辭不暢肆於辭則理不直惟公折之則理

勝闢之則辭嚴其推許至矣元季挈家避兵於吳盡棄他物

獨載書兩籠張士誠虞祿之旋以母病謝去客松江眾為買田築室居焉洪武六年召修日厯官至國子司業補乘

葛天民江陰人元末避兵長洲洪武二十四年授大理府同知辭歸教授於鄉天民通易學嘗賣卜江湖以養親全其志所著有野樵遺響一卷卒葬下雉瀆吳中人物志

吳福字好德鄞縣人洪武庚辰進士擢禮科給事中奉使琉球遇颶風中貴人以下皆謀禱於海神福惟戒舟師謹檣柁而已使回與修永樂大典尋奉使四川還拜江西按察司僉事有以親黨被逮者三十餘家福為辨析無辜即日奏出之遷禮部員外郎與修五經性理大全書成陞陝西右參政先是

寧夏鹽池聽民採取至是禁之福奏許其納課鹽則官量給之民甚便焉逃民匿漢中牛山時出寇掠福遣人諭降復業者三千餘人九載陞福建右布政使時科銅鑄錢頗擾民奏以庫貯廢銅代之以年至乞致仕愛吳中山水之秀遂占籍為吳縣人年七十卒葬烏龍山子憲性至孝母喪過哀事庶母尤孝謹嘗以居室讓諸弟僦屋自處郡人杜瓊贈以詩有今日重逢薛侍中之句後薦授高郵州訓導魏驥志參姑蘇志陶俊字靖侯定遠人祖蠶哥明初以功授右府都督僉事世襲指揮使隸龍驤衛俊襲職尋調蘇州衛右所永樂七年從征交阯戰歿鹹子關賜葬於吳縣索山麓子孫遂家於吳家述

莊公瑾松江青龍鎮人永樂間寓居葑門能詩善草書尤長於畫師法馬遠夏圭蓋張觀後一人也補乘

鄒彬字文質臨洮人樂吳之風土因寓焉博物多識凡天文地理醫藥卜筮皆旁通之平生手鈔百氏書殆千卷紙欄烏絲守畫不苟矻矻筆硯間至老益勤性寡合莊重可敬嘗論張仲景傷寒書撰運氣或問一卷謂三奇六壬太乙之法蓋河圖洛書之緒餘第多傳會撰疏略一卷卒葬長洲武邱鄉補乘

仕孜後改名敏字懋善九世祖盡言紹興中通判平江子孫居吳淞敏少隨父志儻居虎邱山塘讀書佛慧菴正統十二年以長洲籍國子生舉鄉試十三年成進士授刑部觀政後爲

瓊州知府治臻上理有文翁龔遂之風以積瘁卒於任貧不能斂賚吏出貲飲之以歸敏工詩善琴製吳江曲每撫絃自適曰此中真趣惟遊心淡泊者領之妻蔡氏名婉亦能詩補乘

朱先字後之嘉興人後授官蘇州衛因家焉起家武舉嘉靖癸巳倭犯海上先請於督撫募海濱鹽徒爲一軍自胡宗憲爲御史至總督皆倚任先大小數十戰皆先登殺倭甚衆以功授都司宗憲被逮先解官護行宗憲釋還先乃歸御史按福建巡撫王詢侵軍費檄先證之先曰先王公部將也不敢誣府主御史怒坐先萬金論死繫獄閱八年始白萬厯初用薦起圖山把總歷薊鎮南兵營參將副總兵後數爲廣東福建

總兵官以年老謝事歸復起辭不赴先為將有膽智砥節首
公其處宗憲詢二事時論以為有國士風

明史略參
王志堅傳

周天球字公瑕太倉人年十六隨父徙吳仍就州籍試補府學
諸生從文徵明遊治經生業名日起年四十患奇疾遇神醫
得愈即棄諸生肆力詩文兼善大小篆古隸行楷法海內慕
其書者輻輳一時豐碑大碣皆出其手都中貴人爭相延致
天球反以為慙辭歸求書翰者益多性爽邁不屑世故然內
行淳備父歿與二弟分甘共暖其姑姊妹親黨寡居無依者
感藉舉火感文徵明接引設像中堂歲時奉祀年八十二卒
無子以外孫施允昌為後允昌字汝宗萬曆丙午舉人文震

孟稱其篤實有操無慚孝廉甫逾壯死惜未究其學云

舊志

雷翀字鳳霄先世南昌父唐徙常熟翀舉成化戊子鄉試官彰
德府通判遷知府俗多淫祀翀禁之河決築隄捍之發粟賑
饑全活甚多卒於官民為立祠著有性理語錄等書

孫一元字太初秦人避地於吳有逸才喜談神仙事工詩吳中
詩人黃省曾輩皆狎焉詩多悲激娶吳興施氏與劉麟吳琬
施侃龍寬稱茗溪五隱獻吉輩亦遙與相應卒年三十七

補乘

方太古字元素蘭溪人負氣慷慨見嫉於俗遊於吳楊君謙見
而重焉與談竟日夜不窮故遂傾一時性迂緩好高潔尤耽
吟咏其詩散佚無存

補乘

宗伯昭宣城人父為閩方伯嘗攜之見林見素見素才之性輕財好推解人緩急向之無不竭焉者遂以俠聞然非其意能讀書即所解出意外又不自多尋究義若不及有所避來吳見文徵明輩遂傾焉日與遊王履約履吉兄弟皆為石交時有和歌才亦相埒補乘

蔣乾字子健山水過於父父名嵩金陵人見金陵瑣事隱居蘇之虹橋破屋

半間一介不苟八十年如一日也江盈科為長洲宰表其廬

曰東海冥鴻補乘

王圻字元翰上海人舉嘉靖四十四年進士除清江知縣調萬安擢御史忤時相出為福建僉事歷官陝西參議乞養歸築

室松江之濱種梅萬樹日曰梅花源杜門著述耄而不倦明史

圻為都穆東坦自上海卜居吳門與婦翁商訂文史因著稗

史彙編記吳中瑣事然其書紕繆不少如中使孫隆目為官

中之俠滕尚書德懋以盜用軍儲見誅皆不足信疑為贗本

其餘著撰別見藝文補乘

王穉登字伯穀明史本傳長洲人王志堅府志稟云武進人少從父居郡之山塘已而還為諸生入太學久客

京師晚得吳縣錦帆涇廢址構四歲能屬對六歲善擘窠大園其中遂家焉今從之入流寓

字十歲能詩長益駿發有名嘉靖末遊京師客大學士袁煒

家煒試諸吉士紫牡丹詩不稱意命穉登為之有警句煒召

數諸吉士曰君輩職文章能得王秀才一句耶將薦之朝不

果隆慶初復游京師徐階當國頗修恨於煒或勸穉登弗名
 袁公客不從刻燕市客越二集備書其事吳中白文徵明後
 風雅無定屬穉登嘗及徵明門遙接其風主詞翰之席者三
 十餘年嘉隆萬厯間布衣山人以詩名者十數俞允文王叔
 承沈明臣輩尤為世所稱然聲華赫奕穉登為最申時行以
 元老里居特相推重王世貞與同郡友善顧不甚推之及世
 貞歿其仲子士驢坐事繫獄穉登為傾身救援人以是重其
 風義萬厯中詔修國史大學士趙志臬輩薦穉登及其同邑
 魏學禮江都陸弼黃岡王一鳴有詔徵用未上而史局罷卒
 年七十餘子留字亦房亦以詩名

明史 文柙青擅雜志穉登長子無曲字方宇以諸

生入南雍受知於祭酒馮夢禎為人拘謹自好後棄舉子業專攻詩文山居二十年足不入城市蓋避世無悔者 按柙於無曲兄弟為彌甥乃記中絕口不言留以留雖有才名行無足取也

管志道字登之號東溟太倉人後遷長洲隆慶辛未進士授南
 京兵部主事時衛卒苦貢艘志道言於尚書裁去三百餘艘
 攤江濟兩衛以蘇四十衛之困憂歸服除補刑部張居正奪
 情議起修撰沈懋學檢討趙用賢詒書具疏皆與志道商訂
 而後發明年大婚禮成志道疏陳九事首言太祖既革丞相
 事權分屬九卿正統初始用閣臣預政官府之間壅蔽請復
 午朝之制朝廷有大事閣臣與九卿面決又請永除言官之
 廷杖居正見之大恚然其詞直無可罪因計志道疏中所陳

憲綱欲明舊制司道與御史抗禮且得互相糾察度御史勢重必不受遂出志道廣東僉事分巡南韶比至果為御史劾去蓋受居正屬也久之以言者復原官仍致仕志道短小有口辨少為諸生督學耿定向授以學又與羅汝芳王璧輩討論自謂有得於中庸明哲之義所著述凡數十種閱博辨析大指在以西來之意密証六經以東魯之矩收攝二氏議者謂其以墨亂儒焦竑誌子珍字席之以字行萬歷間以貢授松江府訓導遷國子監典籍轉助教嘗三上疏言事卒於京珍少傳家學尤邃於易善諧謔以東方朔自比云先賢圖傳

趙宦光字凡夫太倉人祖沐舉鄉試第一成進士父樗生亦隱

士宦光少入貲為國子生豪華自喜中歲折節讀書不肯蹈常襲故廬居寒山親墓旁手闢荒穢疏泉架壑儼如圖畫一時勝流爭造焉所著書幾數十種尤專精字學說文長箋其所獨解也篆書亦精絕妻陸氏尚寶卿師道女博學能詩文嫻婦德或比之鹿門偕隱而詞章翰墨遠出夫上子均字靈均有志節從父傳六書之學又從燕山僧見林授大梵字并諸字母移日分夜父子自相講習遂得其精文震孟傳

陳繼儒字仲醇松江華亭人諸生與董其昌齊名嘗至長洲之甫里寓許自昌梅花墅太倉王錫爵招與子衡讀書支硎山王世貞雅重之繼儒工詩善文短翰小詞皆極風致又博聞

強識經史諸子靡不較覆暇則與黃冠老衲窮峯仰之勝足
跡罕入城市累薦皆以疾辭補乘

王醇字先民江都人早慧好讀書然不樂為經生言工為詩規
摹少陵王孟之間其得意處不減古人文宗六朝雕鏤藻繡
符於自然為人煦煦泛愛而涇渭了然生平淡於名利然終
日與名利人接亦無忤也晚讀佛書有所悟斷欲長齋手書
大乘諸經凡數百卷久寓吳中遂欲卜居而不果天啓丁卯

卒於揚州有寶蕊樓詩王志堅府志稟

范汭字東生烏程人徙居吳門鑿池種竹攻苦讀書沈酣唐人
之詩諷詠其清詞麗句苦吟精思寢食盡廢引洞庭吳鼎芳

為同調務盡刊甘濃肥厚獻酬傭僱之詞視餘子蔑如也家
貧落魄出游閩滇搜剔名勝垂橐而歸萬厯之季操黨議者
多出茗雪間汭與之相抵牾一時詞客不為汭許可者希貴
人旨羣噪汭以此重困憤懣不得志輯全唐詩千餘卷抵手
塚足迄無寧夕咯血數升以卒年四十四鼎芳定其詩四卷
而序之以為不傍古不緣今不拘律不適耦簡練純粹蓋神

於法者列朝詩集

程嘉燧字孟陽休寧人僑居嘉定工詩善畫與通州顧養謙善
友人勸詣之乃渡江寓古寺與酒人歡飲三日夜賦詠古五
章不見養謙而返崇禎中常熟錢謙益以侍郎寵歸築耦耕

齋小序
卷一百八
堂邀嘉燧讀書其中閱十年返休寧遂卒年七十有九謙益最重其詩稱曰松圓詩老

明史

婁堅字子柔嘉定人貢生工詩與唐時升程嘉燧李流芳齊名嘗寓虎邱山塘程李遊虎邱諸什皆堅僑寓時倡和之作也

後歸其鄉

虎邱志

宋珏字比玉莆田人少得程嘉燧荔枝酒歌行求七年以兄事之能詩畫時來虞山與錢謙益瞿式耜諸人遊為人豪爽八

分書特為精妙

錢陸燦
常熟志

吳拭字去塵新安人好讀書鼓琴做易水法製墨遇通人文士倒囊相贈富人厚價購之輒大笑曰勿以孔方兄辱我客卿

也坐此益大困落魄遊吳門遇亂死虞山舟中毛晉為收葬

之

列朝
詩集

程智字子尚號雲莊休寧人少學舉子業不喜弱冠後讀易有省徒步至河南謁伏羲陵歸入山中晝夜窮究天啓中來吳與浮屠法藏講論深相契合以其終非正學復還入山精研易理遂大悟作易源流深明極數辨物之道崇禎間復來吳從游者甚眾順治八年年五十卒葬於陽山其所著有論孝書大學詳說大學定序中庸旨易學要語十六年吳人請之巡撫配享二程夫子祠弟子傳其學者湯祖祐字耿遙袁徵字公白俞燊字授子何正築字剛中華渚字方雷蔡方燿字

涵之皆有名於時

本湯祖祐
易師年譜

姜琛字如農萊陽人崇禎四年進士授密雲知縣調儀真遷禮部主事十五年擢禮科給事中與行人熊開元俱以建言激帝怒下詔獄拷訊欲殺之既又怒刑官擬罪徇情奪尚書徐石麒等官逮琛開元至午門並杖一百琛已死琛弟垓口含溺灌之乃復蘇仍繫刑部獄十七年正月大學士李建泰督師討賊臨行以琛開元二人請始釋琛戍宣州衛將赴戍所而都城陷福王立遇赦起故官以父艱不赴國變後流寓蘇州自稱宣州老兵亦曰敬亭山人康熙癸丑年六十七將死語其二子安節實節曰吾奉先帝命戍宣州死必葬我敬亭

之麓二子如其言門人私謚貞毅先生垓字如須崇禎十三年進士授行人琛下獄垓盡力營護後聞鄉邑破父瀉里殉難一門死者二十餘人垓請代兄繫獄釋琛歸葬不許卽日奔喪奉母南走蘇州初垓爲行人見署中題名碑崔呈秀阮大鍼與魏大中並列拜疏請去二人名後大鍼得志怨垓兄弟必欲殺之琛避至徽州垓變姓名逃至寧波避跡台宕間之佇石山久之復俱來吳年四十先琛卒門人私謚貞文先生康熙二十四年吳人建萊陽二姜先生祠於虎邱琛子安節奉遺命居宣城守墓實節與垓子寓節留吳守祠安節字勉中有篤行實節字學在工詩畫晚營生壙於虎邱以父母

未得合葬不敢以妻附寓節字奉世年十二侍父疾卽斷酒
 肉居喪哀瘠逾成人繼母病偕妻剜臂肉以進及歿幾至滅
 性生平篤師友之誼初該會試出徐汧之門汧子枋隱山中
 常瀕於飢寒寓節月有饋問給其不足寧都會傳燦僑居吳
 而客死於燕有妾生子女五人熒熒無倚寓節割宅處之而
 撫其孤蜀人唐甄以縣令落職寄居吳寓節時賜卹之四方
 遺民來吳者常主其家卒之日吳人謚之曰孝正

明史參舊府志新縣志

董元哲字濬川武進諸生值國變避地虎邱南村草茨圭壘種
 葵剪韭時拊膺三歎泣數行下南都繼陷則日夜號泣不食

而卒卒之日賦詩有云首陽千古風猶在欲往從之但有心

顧苓集

鍾曉字人雅或曰淳崖不知何許人崇禎末流寓崑山混跡駟
 僮屢易姓名食無一飽而行吟不輟見牆壁堊粉輒以所作
 題擘窠書人爭惡之夏日沈飲大醉溺水死葉方藹錄其詩
 百篇謂風神絕俗比於初日芙蓉云

崑新志

劉永錫字欽爾魏縣人少負奇節通象緯兵農之學崇禎丙子
 舉於鄉甲申春知北方將亂欲避兵江南就選長洲教諭挈
 家南下既至日與諸生講道德明忠孝之節嘗署崇明縣事
 三月庭無留獄國變後隱居陽城有大吏遣門下士說之出

永錫拔劍欲自剄其人大駭而去草衣敝履以葛巾蒙其髮日坐土室中北向涕泣妻子織蒲席葦簾以食有女年及笄未嫁知父義不北歸而舅家相去二千里恐身無所託貽親憂遂絕粒死妻栗氏哭之慟亦死遭大水乏食家僮十餘人相繼餓死已遣子臨與婦歸魏臨既歸假貸得百金亟欲馳獻父中路墮馬死永錫乃歎曰女死貞妻死慈子死孝天之報我亦厚矣獨居士室中不蔽風雨好為詩歌音節悲壯讀者為之欷歔甲午秋病劇大呼烈皇帝三而卒弟子徐晟陳三島等葬之於虎邱山塘

陳濟生啓
禎遺詩傳

黃周星字九烟金陵人少育於楚湘周氏亦為楚人崇禎十三

年進士又三年授計部主事明年夏以國變棄家流寓吳越間在吳寓陽城湖濱後更名人更字畧似號半非晚又號笑蒼道人生平或笑或哭感觸無端遇沈冥放廢之士執手悲歌聲激水涯嘗自言身多患難幼時遇酖毒不死丙子公車出洞庭遇盜不死丁丑遭寒疾不汗發狂不死庚辰京邸觸兇刃不死丙戌避亂閩海復遇盜不死浮沉三十餘年年七十仰天嘆曰吾今不可以死乎與妻孥訣別慷慨飲醇酒盡數斗竟日夕不醒人以為真死矣仍不死後泛舟浙東被髮長嘯自沉水死著述盈百卷今所傳者惟唐詩選驚天泣鬼

怡人集

元和志

本朝

○陳瑚字言夏號確菴太倉人博通經史兼精律歷兵農之學
 崇禎壬午舉於鄉明亡奉父隱居崑山之蔚村力耕以養村
 田窪下導鄉人築堤捍水歲獲豐稔立孝弟力田為善三約
 眾皆悅從嘗徙居常熟之隱湖後往來四方晚年又移雙鳳
 游其門者多俊偉英略之士卒年六十三門人私謚安道先
 生蔚村人立祠祀之巡撫湯斌即其故居建安道書院湯來賀誌
參鎮洋新志及陳遜所述行實

○張拱端字孟恭父度昭勇將軍太原人官於吳樂其風土因
 家焉拱端聰穎絕人過目成誦為諸生好奇任俠遊楊廷樞

徐汧之門後應辟授職方主事國變後逃於禪易名興機以
 其學授二子七女皆工詩善畫築別墅虎邱棲隱其間晚失

明年九十餘卒有孤雲集元和縣志

○喻昌字嘉言新建人崇禎中以選貢入都上書憤欲有為卒
 無所就順治初常熟錢謙益邀至邑中昌少遇異人授內養
 法遂終身不臥明禪理精醫藥所至活人又好奕年八十餘
 與國手李元兆對奕三晝夜斂子而逝所著有尚論篇醫門
 法律寓意草等書行世錢陸燦常熟志

○沈祖孝號雪樵初名果字因生烏程人為諸生有聲鄉先達
 溫體仁慕其才訪之拒弗見及體仁入閣祖孝歎曰宵人秉

政國事必償矣後如其言順治中隱吳江之嚴墓村與吳宗潛等結社賦詩性耿介不苟卒以窮死同時有曼丹生字山

夫原名京字彤寶嘉善縣諸生 國初避居吳江與朱鶴齡

包振顧有孝等為詩友著述甚富

舊志

○錢澄之字飲光桐城人少為名諸生屢試不售閉戶著書皆

根極理要稟經酌雅陳言務去一歸自然著田間易學田間

詩學莊屈合詁甲申後南都奸邪柄國羣小阿附濁亂朝政

為之魁者其鄉人也澄之夙慷慨持正論與鄉人迂將修報

復刊章捕治興大獄於是挈家亡命走浙閩入粵崎嶇絕徼

數從鋒鏑間支持名義後妻死於兵子死於盜乃寓吳之花

谿與徐僉事炯注五代史較徐無黨尤詳密惜未刊行年八

十餘還桐城卒

長洲縣志

○顧祖禹字景范世居無錫宛溪隨父柔謙徙常熟父歿寓釣

渚渡依范鼎九後居膠山黃守中家祖禹博極羣書尤精地

理之學好遠遊足跡幾遍天下迄無所遇歸而閉戶著書成

讀史方輿紀要一百三十卷其書於都邑形勢山川險要歷

代戰守事蹟以至河渠水利皆能上下古今貫穿精密有裨

考鏡前此所未有也與寧都魏禧交最善禧嘗言吾之文雖

為海內所推求實學如顧景范萬充宗輩則瞠乎其後南昌

彭士望服其為人走數千里挈其子厚本師事之晚客都門

崑山徐乾學奉 詔纂修一統志延請祖禹主其事乾學欲
薦之朝出矢言謝乃止 金匱新志
參魏禧集

○吳偉業字駿公一字梅村太倉人崇禎四年進士第三人及
第仕 國朝位至祭酒詩才雋逸卓然成家鼎革時挈百口
避地長洲磬清湖畔賃居吳青房之室為賦磬清湖行以誌
之未幾歸性好山水乞休後徧游靈巖鄧尉東西洞庭諸名
勝尋幽探異題咏成帙 補
乘

○陶澂字季深寶應人以字行又去其複字止稱季四方識與
不識咸目曰陶季季早失怙恃崇禎末天下亂挈妻子避地
吳趨有運期德耀之風福王南渡後棄諸生不事而肆力於

詩古文詞性耽游覽游展所到聲名翕然其所著書多於舟

車中得之因名舟車集 吳門
補乘

○周翥字甸威太倉人父式字右序順治辛丑進士以好施家
落翥初贅於常熟因家焉遂迎父就養翥承父教其經義詩
歌駢體之文皆豐腴流暢得春夏之氣人亦坦然無疵舉康

熙己卯鄉試教諭山陽卒 常昭
志

○吳彥芳字友聖長樂人順治壬辰進士授中牟知縣丁繼母
憂不能歸里寓山陰既而遷於蘇服既闋無意仕宦徜徉山
水以觴詠自喜聞撫范承謨將迎之以歸未幾范殉耿逆之
難彥芳遂終於吳 江南
通志

○李仙根字子靜遂寧人父實明末爲長洲知縣後棄官隱吳淞仙根侍父來吳遂占籍長洲順治甲午仍舉四川鄉試辛丑殿試第二授編修遷司業康熙七年安南王黎維禘與部統使莫元清構怨元清失土來歸

上命仙根持節往諭歸元清故土維禘初不奉 詔往復辨論仙根執其通使大臣付之吏致書維禘曉以大義又以其國事決於鄭輔國并移諭輔國卒令還莫氏高平土地還 朝備奏始末并進所撰使事紀要

上大喜獎勞甚至進祭酒陞內閣學士吳三桂叛

命仙根

協理兵餉駐荊州坐事降補鴻臚卿尋遷副都御史戶部右

侍郎歷三歲以錢法事被議罷歸戊辰再補光祿少卿後又坐失儀降調卒於京仙根有經濟才立朝以勿欺自矢在部院時持論侃侃所裨益甚多詩文駢宕婉折書法道逸顧以屢起屢躓未究其用人多惜之

舊志

○唐甄字鑄萬達州人父階泰明末爲吳江知縣蜀亂不得歸遂家於吳甄少嗜學狀貌短小而剛直亢爽順治丁酉舉四川鄉試授長子知縣有善政甫十月以逃人誣誤去官僦居吳市蕭然四壁炊烟時絕著述不輟其學以良知爲宗貫穿經史非秦漢之書不讀所著衡書九十七篇志在權衡天下後以運蹇不遇更名潛書寧都魏禧極稱之其壻王聞遠刻

以行世又有毛詩傳箋合義春秋述傳潛文潛詩日記若干

卷 王聞遠唐
圖亭行略

○沈荀蔚字豹文太倉人父雲祚明崇禎十五年以進士知華陽縣張獻忠陷成都雲祚罵賊死荀蔚方八歲與母妹及舅張士偉逃匿邛州洪雅山谷間數遭劫奪至雅州父友監軍道范文苙見而憐之送居乾壩陽而檄士偉署洪雅縣事未幾士偉卒士會葛祐明作亂復入八面山中潛匿不出初避賊時士偉於敗甲中得殘編以課荀蔚由是遂通文藝久之以眉州籍應試補諸生誦讀之暇追憶往事博採傳聞作蜀難紀略後母歿妹嫁彭城趙氏子然一身飄泊無所嘗赴友人約至天全土司又遭高承恩之亂竄逐懸崖絕壑間屢瀕於死順治十六年 大兵下川東道稍通乃至成都求父遺骸不得慟哭而還已遇金陵彭文煒自保寧通判遷襄陽知府挈以行過新灘舟沈又幾死至康熙四年夏始得歸時大父母長兄皆久歿因母黨遂家於吳初雲祚死節傳聞異辭至是荀蔚出所撰蜀難紀略并范文苙所作傳上之史館乃得列於明史荀蔚以覆巢孤兒流離兵燹出萬死一生中卒能表揚先烈以學行顯於時人無不重之者

本自撰蜀難紀略及楊繩武傳

合纂

○程大儒字遠之徽州學生父遇德明季福王時官內閣中書

蘇州依外舅朱氏一日朱氏子娶婦盛裝飾夜半盜劫之誤入大儒室大儒以身蔽母以手格刃血流仆地盜感其孝竟釋去貧困授經以修脯供甘旨而妻孥屢藜藿養志者六年母卒晝夜號泣兩目失明又寢苦三年得瘵疾遂不起年七十五里人私謚懿孝子文煥字豫章國學生大儒哭母失明時文煥方六歲日爲父舐目歷五年障翳復開弱冠遊學京師念親老卽歸父疾劇徒步延醫新安六晝夜走七百里兩足盡腫先後罹父母憂毀瘠幾不勝喪旣卜葬築室廬墓旁日夕悲號哀動行路出入必告非婚祭大事不歸如是者三

十年卒年八十七乾隆五年巡撫張公疏請父子並旌表

○耐祀虎邱二程夫子祠

王峻撰傳參舊志

○戴易字南枝山陰人慕嚴子陵之風賦釣臺詩數百篇來吳門年七十餘矣蒼顏古貌幅巾方袍談論娓娓喜吟詠能作徑丈八分書與楊无咎善又因无咎與徐枋定交枋臨沒以書招无咎易偕至无咎爲撫其孤孫而易賣字爲枋營葬常冬月衣葛終日不再食積連歲賣字金卒葬枋於真如塢時人義之後歿於虎邱

元和新志參潘耒傳

○方殿元字蒙章番禺人僑居蘇州康熙甲辰進士知江寧縣改郟城皆有惠政引疾歸吳卒殿元邃於學能以經術飾吏

治所著環書上下篇講性命之學卓然成一家言詩文皆有
源本尤長於樂府有丸谷集若干卷長子還字冀朔太學生
克承家學著有靈洲集次子朝字東華太學生幼病目遂謝
舉子業肆力詩古文所作多超詣行草亦疎宕可愛事親孝
待兄弟友愛篤於交誼能賙人之急卒年六十

吳縣新志參
李果傳

○李柟初名葉字倚江清季子少贅崑山葉氏康熙癸丑成進
士選庶吉士授檢討累官左都御史當己卯春

聖祖南巡閱河時柟以司空居母憂迎 駕宿遷會清口久

淤廷議欲改移五家墩洩水

上以問柟柟言遠移清口不若厚築高堰逼淮以衝清口之淤

且可刷黃歸海

上是其言議乃定高堰之六壩始不爲下河害又疏淮黃合流
固順水性水道而馬邏童家營諸處旁潰而南足爲漕運田
廬患乞

勅河臣速濬雲梯關海口使淮黃有歸宿因上治河議千餘言
上嘉納之時以科場積弊議令監生各回本籍應試柟謂如此
則國學一空千百年大典遂廢力爭而止各省報災率以六
七月及蠲免令下徵輸已過半官吏得以侵牟貧民未能普
霑實惠柟請嗣後遇水旱本年所徵停至來冬奏銷轉預蠲
其次年額賦則弊除而澤普又時以賑東省飢輸輓不時至

柎奏由海道發運及期而至六郡得安尋以疾告歸卒

崑新志稟

○王材任字子重黃岡人禮部尚書澤宏子康熙己未進士官至左僉都御史初澤宏自金陵來游常熟樂山水之勝遂命材任卜居焉晚歲杜門與詩人王譽昌輩結社倡和詩文信筆皆清真樸老不事雕飾僑居三十餘年家益困年八十七竟以窮餓終所著尊道堂集若干卷

○吳苑字榜香歙縣人康熙壬戌進士出吳江潘耒門耒激賞苑卷謂有晁賈氣 廷試對策論黃淮分合言用黃刷淮始潘季馴然河自宋決澶淵曹村北流斷而南徙至南清河方與淮合前此刷黃者何水平指陳剴切舉朝服其經濟入翰

林累官至國子監祭酒太學舊有進士題名碑明白永樂至崇正七十八科唯存五十餘碑 國朝丙戌後闕十八科苑

請於朝勒石補焉又掘土中得宣德庚戌成化甲辰兩碑於啟聖祠塹得永樂首科一碑兩朝典故炳然苑之力也尋請終養歸板輿之暇葺宗祠設祭田興朱子書院閩寇破徽巖鎮為兵馬要衝苑率鎮人具羊酒走迓大將軍兵無譁居民安堵愛吳中山水時扁舟來遊尋幽探勝遂家焉年六十三卒著有北豳集

長洲縣志

○施何牧字贊虞一字覺菴崇明人康熙乙丑中會試戊辰成進士授中書舍人累遷考功員外郎風裁峻整人不敢干以

私壬午主貴州鄉試得人最盛以老乞歸卜居郡城東南之顧氏園即明吳文定東莊也疏池補石藝花種竹與一二故人及浮屠相往來詩歌唱和間以圍棋優游二十餘年年八十二卒嘗輯韻雅宋人梅堯臣陸游詩集及明詩去浮行世所著一山詩集屢易其豪近體有錢劉風李果施考功傳

○周篆字籀書其先清浦人父禮徙烏程篆復遷吳江嚴墓少穎敏好學能為詩古文弱冠後問道於顧炎武炎武告以學須務本遂博究經史已而遍游南北參文武幕府於所在河渠兵農錢穀之事益加諳練凡所述作皆切中當時利弊年六十五歸里尋卒所著有草亭集及蜀漢書杜詩集說子廉

字來叔善詩有匏園集震澤新志

○閻若璩字百詩一字潛邱淮陰人積學嗜古於漢唐諸儒註疏類能貫穿鈎穴口誦如瀾翻舉鴻博報罷來寓吳門宋中丞犖亟稱之曰與顧嗣立何焯上下議論灑灑不休生平撰述雖不及顧炎武之富而精確過之吳門補乘

○楊賓字可師山陰人少穎悟八歲能作擘窠書及長以刑名經濟之學歷佐大吏幕好著述兼善書法才高氣豪名重一時初賓年十三父春華坐友人累偕妻流寧古塔康熙己巳聖祖南巡賓偕弟寶迎叩御舟請代父戍不許遂至寧古塔省親途中墮馬幾殞及父歿於戍所復詣闕泣請歸骨

而格於例遍訪舊案久之始獲一卷以請部議從之乃迎母
奉父柩葬於蘇州遂家焉卒年七十一所著有晞髮堂詩文
彙存疑錄客舍鈔存柳邊紀略金石源流藩鎮考日富編題
跋偶筆等書

節吳縣
新志

○朱襄字贊皇無錫人八歲有詩名能作擘窠書時目爲神童
弱冠游京師館於諸王王自號紅蘭主人酷愛襄詩酬唱成
帙海內名人皆樂與游兼精易理所著有易章十二卷漫與
集集唐詩晚年僑寓於吳以卒

約吳縣
新志

○張遠字超然侯官人幼孤苦力學避耿精忠亂來遊常熟爲
何氏贅婿遂家焉詩文書翰匠心獨運自有遙情逸氣人亦

頽然天放遊四方所交皆當世名人高士康熙己卯舉福建
鄉試第一授雲南樂豐知縣卒於官所著有無悶堂集四十

卷

昭文
志

○陸隴其字稼書平湖人起家進士爲嘉定令擢御史自少卽
志於聖賢之學貫通洛閩諸書於學術是非反覆辨正身體
力行粹然爲儒宗爲政務去其害民者先德化而後刑罰居
諫垣未久直聲震朝野再起再躡初罷嘉定歸館於常熟席
工部啟寓家所著有三魚堂文集雍正二年從祀孔子廟庭

常昭
新志

○趙執信字伸符號秋谷益都人進士官贊善高才被放遊吳

門生平服馮氏定遠之學稱私淑弟子與陶貞一昆季爲執友數往來虞山邑中題咏甚多

常昭新志

○李馥字汝嘉號鹿山福建閩縣人康熙甲子舉人爲蘇松糧儲道肅清漕政陞按察司明慎聽獄民感其德立生祠武邱山塘巡撫浙江去官修築海塘貸藩庫錢應役以產入官不足於償羈寓吳中居生祠十五年素饒於貲至是饗殮不給蹈軼軻履躄危而性識超曠日手一編嘯歌自若四方文士過其地者必留信宿晨起顧衆賓曰今日未知何處索米因相視而笑後歸其鄉吳中人士餞於南郊繪圖賦詩文贈別時比之西園雅集圖云

魏荔彤字念庭直隸柏鄉人太傅裔介子官江常鎮道能守家法著惠愛聲於官齋署省事草堂欲與民休息兼攝崇明兵備道給餉以時無扣剋兵弁感其德忤大吏意去官賃屋濂溪坊杜門垂簾點勘四庫七略上自六經諸史旁及天文地志稗官野乘浮屠老子醫藥卜筮之書丹鉛不去手聞母訃以負累不得歸擗踊號呼喪逾常節嬰委痺疾雍正四年乃還其里著懷舫齋集數十卷註釋南華道德素問諸書沈用濟字方舟錢塘人少遊京師以詩受知新城王尚書士正爲延譽公卿間繼交梁吉士佩蘭陳希衣恭尹同之入廣漏探桂林南海諸勝既而道嵩岱陟嶠隴踰潼關走塞垣歷

蘇州府志 卷一百八
昌平盧龍醫無閭往來西北尤久故其詩得燕趙聲居多終
以遊斫其家遷嘉興再遷江寧來吳寓獅林寺垂十五年與
吳中人士結北郭詩社晚客淮安沒於湛真寺著有湖海集
黃叔琳字崑圃直隸宛平人康熙辛未賜進士第二人以吏
部侍郎巡撫浙江去官修築海塘借庫帑完工無以償羈滯
吳門四方名流過吳下者輒謁之愛才如渴聞人一長稱揚
之使之成名人士不得其所者爲謀館舍或典衣周之留吳
十年赦歸起復山東布政司內陞詹事

○邵觀字見可自號省齋順天大興人年十六隨父徙蘇州康
熙甲子以原籍舉於順天鄉試辛未成進士初授山東青城

令莅事明決案無留牘奸吏莫能欺捐俸開邑之窪地爲長
渠瘠土以沃五載課最行取遷御史康熙五十年陞太僕少
卿轉大理少卿凡遇三法司會議有情罪不協者必爭之

上知其才擢僉都御史遷奉天府尹卒於官弟泰字峙東號北
崖康熙辛丑進士官編修在館未久卽告歸養母二十餘載
善詩古文辭書法晉唐人江寧蘇州府志纂輯俱出其手晚
購城南芳草園以居所著有禮立軒古文稿八卷浣青樓詩

稿二卷

家述

○高孝本字大立自號固哉叟嘉興人康熙辛未進士官績溪
知縣縣有印潭巨石沒績溪中吏廉則石見孝本爲令沙開

石見時稱循吏尋去官貧不具饘粥客遊四方吳江陳沂震其門生也嘗主其家銜杯論古流連忘返著有固哉叟集同里志

○吳瞻淇字漪堂歙縣人國子祭酒苑次子僑居蘇州康熙癸未進士選庶吉士甫兩月因念母即請假歸食貧自守不與戶外事母歿後遂不復出少從兄瞻泰學終身事之惟謹急人患難不計有無為詩敦厚和平用意在言外柏羅山人

集 李果二吳先生傳

○戴瀚字巨川上元人雍正元年進士及第歷官翰林學士以科場事謫居吳江寓接待寺工詩善畫性愛梅放權太湖恣

意探討有探梅集雪村詩稿

○任啓運字翼聖號釣臺荆溪人幼有異稟沈潛力學族父大任居同里啓運從之游大任授以中庸性天之學遂悟其宗

旨雍正十一年進士以張照薦 召試性理第一授檢討累官左僉都御史宗人府府丞乾隆九年卒年七十五所著有

易學洗心禮記章句肆獻裸饋食禮宮室考四書約旨等書

同里志

○阮學濬字激園一字蘊村山陽人雍正癸丑進士官翰林編修以事謫居吳中寓吳江垂虹橋南華嚴寺最久其學宗安溪李光地問業者極一時之盛

○翁照字朗夫號霽堂太學生江陰人學有根柢尤工歌詩爲人小心敬慎雖僕隸不衣冠不見稽文敏公曾筠高節相斌先後以鴻博經學薦皆不遇晚乃寓居吳中卜築鯨溪之濱將與沈尚書德潛爲耦耕伴遽以病歿未竟其志著有賜書堂詩文集十二卷

○陳奕禧字子文海寧人工書法京朝士大夫多從學書者究心金石之學窮山僻徑殘碑斷碣偶有所見必剝剔苔蘚而出之以故藏皮甚富起家安邑丞入爲戶曹郎出守石阡石阡道遠乏行資乃留都下賣字一月得數千金以治裝至郡書天下第一郡樓六大字於署自爲之記時人賦詩記述者

甚衆未幾以兄誅撫黔迴避歸流寓蘇州定慧寺前再起南

安守卒於官

以上元
和志

○栢謙字蘊高先世由句容遷崇明父萃諸生嘗夜行見一幼女爲賊所掠奮挺追逐奪還其家謙登雍正庚戌進士入翰林乙卯分校順天丙辰戊午連典福建試甲子冬

聖駕幸翰林院謙與陪盛典以母老乞歸遂徙居常熟謙生有至性曾祖母沙好食炒豆年八十無齒常嚼而哺之父嗜鳧一日從遠道獲鳧手自烹治以進爲文工敏絕倫善楷書得歐虞兩家之妙主遊文書院多所成就有詩文集若干卷後

人已著籍

常昭
新志

○許鎮德清人成進士入翰林出為南昌府知府歸常寓同里鎮品行高潔篤於友朋同里志

○許王猷號竹君嘉善人進士歷官內閣學士禮部侍郎乾隆戊午典試江南嘗寓同里市南足跡不入市同里志

○張嘉慶初名未字季野京江相國王書從孫就婚常熟邵氏因家焉性敏慎力學工文以舉人教習得句容教諭句容令陸鈞廉吏也卒於官逋官帑累累未經理其喪傾囊資助士民感義共輸三千金完官項櫬得歸以薦陞江西興安令懲游惰清盜藪擢良摘奸百廢具舉署鉛山調署上饒所至有治績與太守忤去官未幾卒子虞字秀峯舉人官福建永安

知縣工楷書亦善篆刻陶志

○汪廷揚字以言守湜季子承澁業挈家居崑性儉約好施子戚友負官帑不能償者輒代償之或轉資之得筮仕邑中重修志乘首先捐貲以助其役長子獻瓚字在中慷慨好義如其父少精醫理嘗製藥濟人終身不倦乾隆乙卯 召與干叟宴 賜拄杖錦緞歸卒於孫本莊山東官署弟獻芝字鳳梧庚辰進士湖廣道監察御史刑部員外本莊字敬敷幼穎敏年十九售副車丁酉登賢書授山東陵縣知縣調冠縣善治獄手判口斷不假手幕僚所至能舉其職間作詩歌淵雅得先正之遺丁艱服闋補知府卒於官

○蔡寅斗字芳三江陰人乾隆丁卯舉人官國子監助教工詩古文駢體及制義聞四方有才士必遠道走訪授經於同里

袁氏後入都會試無故自經於號舍士林惜之同里志參詩徵

○吳懋政字維風號蘭陔海鹽人乾隆壬申進士官廣東博羅

縣知縣嘗授經於吳江同里王氏翠梧書塾所選時文世咸

奉為圭臬同里志

○鄭念榮字靜常福建侯官人湖北巡撫任鑰子任鑰字魚門

康熙丙戌進士曾督學江南江南多名學使任鑰為最後為

其子念榮娶禮部侍郎吳家騏之女家騏吳江之北麻漾人

念榮遂家於吳江乾隆庚午舉閩榜鄉試官福建邵武府教

授子邦柱字孝移號春江以監生入籍桐鄉乾隆己卯舉浙

榜鄉試歷官江西南昌縣知縣瑞州府銅鼓營同知署饒州

府知府歸卒於家

○盛百二字秦川秀水人乾隆丙子舉人官淄州知縣百二精

研六經陸中丞耀聘主山東任城書院所著尚書釋天古文

徵信錄袖堂筆談皆山樓吟稿等書曾館黎里陳氏云黎里志

○蔣德字敬持秀水人孝廉寓邵齊燾家數載與其徒讀書中

峰為游文書院山長卒焉齊燾為誄詳德行誼載玉芝堂集

為人清古逸放性愛山水善屬文尤工於詩大興朱筠朱珪

皆其弟子常昭志

○王恒字子占紹興人能畫山水罨布濃淡意象微遠尤好爲枯木竹石寓居於虎邱方丈十年絕迹城市不交人事窮餓

死補乘

○沈祖惠字岷望一字虹舟世居烏程父贅吳江平望李氏祖惠少育外家遂冒李姓幼奇慧讀書日數千言工制義年十九補嘉興籍諸生學使王蘭生極賞其文屢冠曹耦尋以選貢廷試第一入監肄業以親老假還從遊日衆蘭生督學陝西延主幕事蘭生爲李文貞光地高弟遂理學祖惠日親講論悉得其傳嘗自言平生知己無逾交河而蘭生亦以平生得士無逾李生也祖惠周歷秦中前後八年自黃河華岳

之高深雪山青海黑水祁連之荒遠靡不至有西征賦三秦遊草旣歸策所作釐訂之極爲金壇王步青所許乾隆十七年始舉於浙江鄉試第一年五十三矣秋試禮部名第二不得官就聘爲姚江書院山長課士有程立教約若干條著四書講義餘姚縣志二十二年選授江西高安知縣巡撫胡寶瑗雅重之不以屬吏禮相接祖惠爲吏尤盡心於庶獄時有所平反委理上高囚出死罪三人寶瑗深韙之尋以吏議降調歸家居二年卒年六十八子榮河幼慧善屬文早卒

江震續志

稿

○王鳴盛字鳳喈一字禮堂司業同祖之後自崑山徙嘉定遂

爲嘉定人生而敏慧乾隆丁卯以五經舉于鄉肄業紫陽書院見賞於沈宗伯德潛採其詩與王昶吳泰來錢大昕曹仁虎趙文哲黃文蓮稱吳中七子旣與惠棟友善潛心經義甲戌進士及第授編修以大考第一擢侍讀學士明年充福建正考官游歷內閣學士還京呈吏議左遷光祿寺卿丁母憂歸遂不復出卜居閭門外之洞涇杜門著書謂漢儒說經必守家法唐貞觀撰諸經義疏而家法亡宋元豐以經義取士而漢學殆絕然詩三禮及公羊傳猶是漢人家法因撰尙書後案周官軍賦攷若干卷又撰十七史商權一百卷考其異同而折衷之又蛾術編一百卷其目有十說錄說字說地說

制說人說物說集說刻說統說系典博詳明具有原本古文宗遵巖震川詩宗盛唐中年出入白蘇晚年獨喜李商隱自定詩文集若干卷年六十後因讀書窮日夜不輟日病盲遇吳興醫鍼之而愈自號西泚叟卒年七十八

○錢大昕字及之又字曉微號辛楣又號竹汀世居嘉定之盛涇十歲能文稍長學爲詩賦十五入學督學使者劉藻嘗語人曰吾視學江南所得士惟王生鳴盛錢生大昕兩人耳乾隆辛未

高宗巡幸江浙迎

鑾獻賦

召試一等二名以內閣中書用

甲戌登進士第改庶吉士卽與河間紀昀編纂熱河志館中

有南錢北紀之目散館授編修辛巳

上幸五臺回蹕特出游千佛洞詩命大昕賡和戊寅癸未兩次
大考皆入優等游升翰林侍讀學士入直 上書房歷典山
東湖南浙江河南鄉試督學廣東皆稱得士晚以病乞歸先
主江寧鍾山書院後主蘇州紫陽書院士子皆駸駸向化并
有他省好學之士負笈來游者於四部書無不瀏覽性强記
經史半能背誦與人言某事在某書某卷檢查十無一爽尤
精九章推步布算無遺古今郡縣分合遷改無不瞭然胸中
所著書已刻者有二十二史考異一百卷通鑑注辨正三卷
補元史藝文志四卷潛研堂金石文跋尾二十五卷鄞縣志

三十卷長興縣志二十八卷三統術衍三卷風俗通義逸文
二卷陸放翁洪文惠洪文敏年譜各一卷養新錄二十四卷
潛研堂文集五十卷未刻者經典文字考異三卷唐石經攷
異一卷聲類四卷南北史雋一卷三史拾遺三卷諸史拾遺
四卷修唐書史臣表一卷四史朔閏攷四卷元史氏族表四
卷唐五代學士年表二卷宋學士年表一卷潛研堂金石文
字目錄八卷附識二卷天一閣碑目二卷疑年錄三卷王厚
齋先生年譜王弇州先生年譜各一卷吳興舊德錄四卷先
得錄四卷恆言錄十卷潛研堂詩集十六卷詞垣集四卷未
成者元史若干卷方輿紀里編若干卷地名攷異若干卷曝

蘇州府志 卷一百八
書亭文集注若干卷所校有新唐書糾繆困學紀聞長春真人西遊記諸書已刻白虎通說文廣雅四分乾要術文選註諸書皆未刻藏於家家述

○畢沅字纘蘅一字秋帆鎮洋縣人幼穎悟稍長讀書靈巖山乾隆癸酉中順天鄉試授內閣中書入直軍機處庚辰會試第二及廷對西域屯田事宜議論剴切

高廟親擢第一是歲初定新進士十名於讀卷日引見沅儀觀秀偉進止有度天顏甚喜授修撰歷遷左庶子充日講官起居注

上耕藉御觀稼臺沅侍直時布穀鳴於林

上問布穀與戴勝是一是一沅對布穀卽戴勝見鄭注應

詔賦詩稱旨是冬授甘肅鞏秦階道厯陞陝西巡撫修周公墓訪其後裔置五經博士甘肅逆回作亂沅安撫陝地回民調兵助勦

上心嘉悅賞給一品服雙眼花翎調撫河南適遇大旱救災賑困轉歉爲豐柘城民變沅聞信卽調兵往勦立時撲滅陞兵部尙書兩湖總督苗疆有警沅移駐辰州督運軍儲無缺湖北白蓮教匪人作亂陷當陽縣沅督兵火攻復其城仍往辰州以炎障致疾歿於辰先是沅以年老有歸田之志營靈巖山館頗饒泉石之勝竟未得一日安居其後子孫遂家於吳

門沅好汲引後進一時文士多招至幕府尤好著書所撰甚富有傳經表經典文字辨正書音同義異辨說文解字舊音續通鑑關中中州山左金石記關中勝蹟圖記靈巖山人詩文集共數百卷

錢大昕撰墓誌

○段玉裁字若膺號懋堂金壇人生而穎異讀書有兼人之資年十三入學有時名乾隆二十五年舉江南鄉試歷官貴州玉屏知縣四川巫山知縣引疾歸卜居吳郡之楓橋自是閉戶著書治聲音訓詁之學受業於戴東原學日益進成說文解字注三十卷又著毛詩小學尙書撰異儀禮漢讀考周禮漢讀考漢書地理志音釋汲古閣說文訂文集詩集藏於家

以嘉慶二十年卒年八十有一

王念孫墓誌

○黃軒字日駕號小華休寧人乾隆辛卯狀元善屬文工書法授翰林修撰在 上書房行走京察一等授川東道臺灣用兵川省協濟軍米軒督辦勞瘁以疾卒事聞加按察使銜兄騰達字雲衢乾隆辛巳進士官至禮科給事中善書工詩文黃氏兄弟自其父卜居吳門獅子林更其名曰涉園

家述

○孫星衍字伯淵號淵如陽湖人乾隆丁未榜眼散館改刑部主事歷陞郎中授山東兗沂漕道丁母憂歸服闋授山東糧道年六十以父老告歸卜居江寧又於蘇州虎邱建孫武子祠拓其旁屋以爲別業奉祖母許太夫人香火築授書堂於

前依山臨壑疊石疏泉擅幽棲之勝春秋佳日奉父盤桓於其中自幼篤信好古不為世俗章句之學工詩善篆書雖居官讀書不輟所著尚書孔注疏逸論語說文皆盡一生心力而後成書生平奉漢儒為宗在山東時訪得伏生後裔請設五經博士一員部議准行又濬老黃河故道以洩運河之水皆原本經術為之家述

○張問陶字仲冶號船山四川遂寧人故大學士鵬翮之曾孫乾隆庚戌進士授翰林院檢討嘉慶十年改御史屢有建白奏請甄別九卿之衰老戀棧者

上是之見於施行又奏九卿會議公事輒模稜無所可否請飭

令各抒所見不得仍蹈詭隨之習又奏請省 巡幸皆蒙嘉

納既因外父周興岱為臺長迴避改吏部員外俸滿授山東

萊州府綱紀整肅屬邑有侵用倉庫錢糧者劾之為上官所

忌引疾乞歸僑居吳郡虎邱山塘陸魯望祠屋之左病瘡失

調卒平生好為詩因事寓言不避嫌怨又好道家言有校定

抱朴子方襄勤公為之梓以行世所著有船山集二十卷家述

○錢坫字獻之大昕從子乾隆甲午順天副榜游西安入畢沅

幕與洪亮吉孫星衍討論訓故地理之學授乾州通判得疾

歸卜居吳門大井里卒坫工小篆晚年右體偏枯左手作篆

著有十經文字通正書車制攷史記注漢地理志注等書行

世

○印鴻緯字庚實世居寶山父憲曾為寧紹台兵備道有四子
鴻緯其季分居吳縣在家能順親志事兄撫諸子無失理待
友有信義鄉黨稱其賢嘉慶元年

以鴻緯應選眾以為當

姚鼐撰傳

詔舉孝廉方正有司

○徐臻字茂堂鹽官人工詩好遊足跡半天下晚卜居靈巖山
南著有敝帚吟耕餘草

○張詒字景謀一字南溪崇明人以避潮災奉父遷于吳有弟
四人婚娶殯葬皆任之為諸生試輒冠軍乾隆己酉以拔貢
生入都 廷試罷歸嘉慶元年舉孝廉方正歷主靖江安東

如皋江陰書院晚以疾卒於蘇州尚書巷詒虛己服善篤于
師友工詩文著有觀海樓集十二卷古文八卷毛詩釋疑八
卷南園雜綴八卷崇明田賦考一卷邑乘補正二卷其門人
凌壽祺宋元樞葬之於吳縣藏經灣 呂星垣傳
○沈元掄字敘彝崇明人忠節公廷揚子為諸生有文名廷揚
殉難元掄葬父於吳中上沙村廬於墓遂隱居焉自號大樵
山人與徐枋善大吏招之不出著書以終老 家述

蘇州府志卷第一百九

列女傳目錄

吳縣

漢

陸續母 孫奇妻范姬 許升妻呂榮

公孫達妻邵氏
李公謀妻戴氏

沈伯陽妻顧昭君

三國

張溫姊妹三人 張白妻陸鬱生

晉

張茂妻陸氏 許邁妻孫氏 張林妻徐氏 王氏五女

宋

顧琛母孔氏 張冲母戴氏 范法恂妻褚氏

齊

韓蘭英

梁

張稷女楚瑗 張建第五女

宋

朱億女 朱公綽女 陳質妻丁氏 沈括母許氏 龔宗元女

鄭絳妻錢氏 張弼妻徐觀妙 吳永年妻何氏姊吳氏

劉士英妻陳氏 祝磯妻徐氏 沈清友 王埜母鄭氏 徐

大章妾顧氏

元

趙淑儀 盧廷瑞繼妻周氏 宋无妻趙氏 后載妻某氏

浦玉田妻梅氏 楊椿妻王氏 潘元紹七姬 段氏 翟氏 程氏 徐氏

羅氏 卞 彭氏 擔夫婦 曹某妻劉節婦 施仁伯妻鄭允端

薛蘭英蕙英

明

張槩妻金淑寧 史景忠妻鄒氏 韓奕妻蔡氏 陳汝言妻

吳氏 盧本立妻王氏 杜玉妻顧妙明 徐景仁妻子氏

陸氏子妻 吳奎妻王妙鳳 曹順妻葉氏 葉芸妻鄒氏

諸景通妻張妙微 葉氏女賀氏女 毛瑄妾張氏 楊皓妻

胡淑寧 劉嘉緒妻顧氏 秦漢妻熊氏 顧春妻俞氏 許

某妻顧氏 沈成德妻徐氏 余佈妻馬氏 韓廷珪妻孫氏

廷珪某氏女 蔡氏 三貞女韓碧溪女 五貞婦 洞庭少婦某婦

曹鑑長女 陸某妻浦氏 殷國彥妻潘氏 殷貞女 陳惠

妻須氏 戈氏女 須烈婦 姚汝轍妻文氏 吳琛女 趙

宦光妻陸卿子 參議范允臨妻徐媛 曹憲輅妻周氏 黃

居堂妻沈氏 殷卓妻葉氏 趙均妻文淑均女昭 張敏德

妻楊氏 申允庚妻周氏 齊某妻張氏夏尚伊妻周氏女壽

蔣氏王化民妻黃氏 守備吳自龍妻周氏 諸生盧啟祥妻

陸四妻湯氏張仲奇妻曹氏 金滿妻徐氏 武進士陳智

錫妾湯氏侍女丹鳳 指揮吳元韶弟婦某氏 諸生張起英

二女唐雲泉妻顧氏 諸生毛澤卿妻某氏 諸生徐樹聞

妻張氏錢延卿妻袁氏 徐某妻曹氏 黃子庚聘妻沈氏 席啟章妻張氏 鄭揚字妻蔡氏 葉

嬰暉妻周氏 本朝

嚴燦妻顧氏 周文遂妻馬氏 圻者袁七妻陳氏顧祖淳妻 高氏 趙

宏祖妻施氏王士元妻沈氏 王永茂妻張氏 金憲文妻

顧氏朱鍵妻吳氏 袁承佑妻鍾氏 徐聖妻金氏 朱士

才妻陳氏楊 某聘妻徐氏 鮑邦舜妻蔣氏 沈子猷妻金氏 管正偁

妻徐氏 蔡瓊藻妻周壽英 顧汝紘妻沈氏 金上孚聘妻 王氏 陸氏女 黃永祥妻劉氏 惠有名妻李氏 諸生郭

可妻陸氏 吳其機聘妻戴氏 周啟賢妻龐氏 李遜如妻
 陸氏 王氏子聘妻葉氏 申希文聘妻邵氏 錢厯才聘妻
 申氏 盛大業妻歸氏 曹符妻蔡氏 羅廷佐妻錢氏 施
 水蒼妻陳氏 嚴有政聘妻符氏 貝啟祚妻程氏 張雲翔
 妻周氏 周鉅妻江氏 賈南式女 董彩姐 葉公序聘妻
 吳氏 葉建章妻周氏 葉懷德聘妻徐氏 康鈇妻葉氏
 嚴信任妻陳氏 秦宏道妻葉氏 吳翰章妻施婉貞 周魯
 源妻嚴氏 周國兆妻席氏 王世榮妻葉氏 張文煒聘妻
 沈氏 朱大櫛妻席氏 蔡軒明妻殷氏 以上俱舊志 范學佚妻
 徐氏 范徵載妻朱氏 翁齡年聘妻吳氏 嚴士元聘妻范

氏 金五觀妻嚴氏 媳周氏 徐桂妻陸氏 胡公輔妻黃氏

陳文繼妻李氏 鄭允元妻蔣氏 蔡士賢妻戚氏 金某

妻倪氏 朱氏多姐 葉秉忠聘妻魏氏 徐元煥繼妻蔡氏

殷昆陽繼妻高氏 陳鶴齡妻王氏 李某聘妻黃氏 王

本石聘妻夏氏 沈開榮妻黃氏 周德先妻錢氏 錢君安

聘妻王氏 葉茂功妻方氏 徐景雲妻蔡氏 徐宏表妻沈

氏 蔡會均妻王氏 馬尙瓚繼妻黃氏 蔣廷昌妻沈氏

殷國瓏妻金金鐸 徐明師妻蔡氏 仁振揚妻曹氏 曹治

仁妻朱氏 葉陞階妻某氏 殷禮聘妻沈氏 蔣天庚妻范

氏 諸生馬夔鳴妻楊氏 邱在高聘妻金氏 席嘉采妻翁

氏 朱順天妻練氏 王氏女素 張某妻胡氏 陳信妻甯氏
 氏 王氏女 外委楊士超繼妻王氏 張德揆妾蔣氏 包世錦妻胡氏 貢生江元炤妻袁氏 汪祥澍妻唐氏 何秀寰妻程氏 錢氏烈女 王惟良妻徐氏 袁文鐸妻周氏
 周仙姐 陸文墉妻郁氏 朱世昌妻練氏 王瀚文妻丁氏 朱茂春妻蔣氏 姚蘊輝妻徐氏 李繼熙聘妻陳氏 孫開兆妻顧氏 故城縣丞席壽豐妾唐氏 吳廷鎰妻徐氏
 呂繼宗妻徐氏 烈婦譚士楷妻蔡氏 顧嘉煌妻繆氏 許再添妻吳氏

蘇州府志卷第一百九

列女一

向來地志皆有列女一門凡婦女之有奇行者則志之宗劉向列女傳之例也近世則專重節烈今仍依舊志凡有事實可紀者立傳其餘則載其夫族姓氏旌表年分未旌者亦錄其姓氏此不過志之以為風俗之勸必曰搜訪弗遺則非一時耳目所能盡也

吳縣上

漢

陸續母 詳見續傳

吳孫奇妻者廣陵范慎女名姬年十八配奇一年而奇亡慎以
 姬少寡無子迎還其家姬不肯歸迎者以父母命迫之姬遂
 操刀割耳及鼻曰父趣我者不過以我年少而色美今已殘
 矣行將焉如於是迎者空返列女傳

吳許升妻者呂氏之女也字榮升少為博徒不理操行榮躬勤
 家業以養其姑數勸升修學每有不善輒流涕進規榮父積
 忿疾升乃呼榮欲改嫁之榮歎曰命之所遭義無離二終不
 肯歸升感激自勵乃尋師遠學遂以成名尋被本州辟命行
 至壽春道為盜所害刺史尹耀捕盜得之榮迎喪於路聞而
 詣州請甘心讐人耀聽之榮乃手斷其頭以祭升以上後漢書

餘姑亡夫族多欲聘之誓不再嫁黃巾賊陳寶欲干穢之榮
 執節不聽踰垣而走賊拔刀追之曰從我則生不則死榮曰
 義不受辱寇遂殺之是日疾風暴雨雷電晦冥賊惶懼叩頭
 謝罪乃殯葬之麋府君遣主簿祭之又出錢助縣為冢於嘉
 興耶里墟北名曰義婦坂以上范盧二志引列女傳

二貞婦者公孫達妻郤李公謀妻戴各遭寇賊臨之以刃曰寧
 為我妻而生乎將不從而死乎二貞曰婦人以貞淑為節豈
 可畏死而忘行耶賊遂殺之列女傳

沈伯陽妻顧文宣之女字昭君早寡無嗣盡禮供養其姑父陰
 以許人姑聞而哭昭君驚惶問姑姑以告昭君泣曰妾聞婦

女以專一為貞回貳之行非所聞也乃割耳剪髮以明已志

列女傳

三國吳

張温姊妹三人皆有節行為温事已嫁者皆見錄奪其中妹先

適顧承官以許嫁丁氏成婚有日遂飲藥而死吳朝嘉歎鄉

人圖畫為之贊歎云文士傳

張白妻陸氏績之女績於鬱林所生名曰鬱生適張温弟白姚

信集有表稱之曰臣切見故鬱林太守陸績女子鬱生少履

貞特之行幼立匪石之節年始十三適同郡張白侍廟三月

婦禮未卒白遭濯家禍遷死異郡鬱生抗聲昭節義形於色

冠蓋交橫誓而不許奉白姊妹嶽巖之中蹈履水火志懷霜

雪義心固於金石體信貫於神明送終以禮邦士慕則臣聞

昭德以行顯行以爵苟非名爵則勸善不嚴故士之有誅魯

人志其勇杞婦見書齊人哀其哭乞蒙聖朝斟酌前訓上開

天聰下垂坤厚褒鬱生以義姑之號以厲兩髦之節則皇風

暢穆士女改視矣裴松之吳志注

晉

張茂妻陸氏吳郡人茂為吳郡太守被沈充所害陸氏傾家產

率茂部曲為先登以討充充敗陸詣闕上書為茂謝不尅之

責詔曰茂夫妻忠誠舉門義烈宜追贈茂太僕晉書

許邁妻散騎常侍吳郡孫宏女也邁總角好道立精舍於杭懸溜山往來茅嶺惟朔望時節還家定省父母既終乃遣孫氏還家為書以絕之曰欲聞懸溜之響山鳥之鳴以為簫韶九成不能勝也寓景青葱之下栖息巖岫之室以為殿堂廣廈不能過也情聽所終志絕於此吾其長別離矣孫為書荅之曰愚下不才侍執巾櫛榮華福祿相與共之如何君子篤其大義輕見斥逐若以此處遐曠非婦人所便昔梁生陟嶺孟光是攜簫史登樓秦女不舍衛人修義夫婦同行老萊逃名伉儷俱逝豈非古人嘉遯之舉者許君乖離矣

盧志按真誥邁小名暎吳郡孫宏字彥達女即驃騎秀之孫既離好無子歸宗據此則是富春人

張林妻徐氏者案張林碑曰夫人姓徐吳郡人柔惠清順中和聖善婦德既備母道亦踐志厲冰玉厥德丕顯靡靡其操翼翼其仁明景內映朗節外新其熾風邁淑謹其身

范志

震澤編

宋

顧琛母孔氏大明初琛為吳郡太守免官停家孔氏時年百餘歲晉安帝隆安初琅邪王厥於吳中為亂以女為貞烈將軍悉以女人為官屬以孔氏為司馬及孫恩亂後東土飢荒人相食孔氏散家糧以賑邑里得活者甚眾生子皆以孔為名

焉泰始初卒 宋書

張冲母戴禹女有儀範張氏內則取焉 南史

范法恂妻褚氏吳郡人勤苦執業宋昇明中孫曇瓘謀反亡命

褚謂其子僧簡曰孫越州先姑之姊子與汝父親則從母兄

弟交則義重古人逃竄脫不免汝宜收之曇瓘尋伏法褚氏

令僧簡往斂葬之年七十餘永明中卒僧簡在都聞病馳歸

未至褚已卒將殯舉尸不起尋而僧簡至焉 南史

齊

韓蘭英吳郡婦人有文辭宋孝武世獻中興賦被賞入宮明帝

世用為宮中職察世祖以為博士教六宮書學以其年老多

識呼為韓公 齊書武穆裴皇后傳 隋書經籍志 梁有宋後宮司儀韓蘭英集四卷亡

梁

張稷長女楚媛適會稽孔氏無子歸宗稷為青冀二州刺史州

人徐道角等夜襲州城害稷女以身蔽刃先父卒 梁書

張氏女顏氏家訓曰思魯第四舅母親吳郡張建女也有第五

妹三歲喪母靈牀上屏風平生舊物屋漏露濕出曝曬之女

子一見伏牀流涕家人怪其不起乃往抱持薦席淹漬精神

散怛不能飲食將以問醫醫診脉云腸斷矣因而便吐血數

日而亡中外憐之莫不悲歎 按思魯之推之子其事當在 梁時舊志編列宋時非是

宋

朱億女郡人也淑行婉質工琴書至道初裴愈奉使兩浙聞其才藝奏之召至京師既入宮掖賜號白蓮花夫人後出俗刺血書蓮花經一部改賜慈濟廣惠大師億子光祿卿公綽之女二十娘子嫁朝請郎李防亦聰慧作混元圖贈宜人

陳質妻長安縣君丁氏晉公謂之妹博士之奇母也謂欲官二甥丁固辭俾自以學術進謂竦然稱歎之奇兄弟繼登科鄉里稱爲賢母胡瑗著丁氏賢惠錄蘇舜欽書之里人張紳世與陳舊其婦挽而歿丁祿其嬰歸付乳媪親加撫視能言而還之謂旣南謫家日淪困有姪孫女幼孤丁訓養甚厚及歸馮氏子婦式爛熟甚宜其家知州黃宗旦聞之曰茲事可書

於史贈孝感郡太君

沈括母許氏吳縣人太子洗馬許仲容女烏江主簿許洞妹適錢唐沈周相其夫厯官有聲及春秋高於內外戚屬爲高曾行而慈幼字微愈久彌篤二子括扶括以文學貴顯名重當世扶入仕亦有吏材其幼皆母自教之

通志

龔氏宗元女嫁德化知縣福州李處道讀書通大義賦詩書字皆過人晚喜佛書嘗問法於圓照禪師宗本因名曰守安處道年高而宦不達龔能安之元符二年卒年六十四葬武昌子抗抗弟援篤學有文龔所親教由進士爲武昌尉

鄭絳妻錢氏廣陵王之元孫也幼秀悟旣歸絳姑御家嚴錢氏

時起居惟敬無故未嘗去左右姑疾嘗藥不解衣者半年絳貧赴官陝右不能具行裝其姊自京師持金幣遺之甚厚錢氏不啟封謝而歸之退而曰身受姊賜固可抑何以全吾夫之廉乎靖康初卒

按姑蘇志載宋時李氏女能詩錄其破錢詩一首考夢溪筆談乃毘陵女子非蘇人也故去之

張弼妻徐觀妙直秘閣閔中女也建炎三年金兵犯揚州官軍奔潰肆掠執徐欲污之徐瞋目大罵曰朝廷畜汝輩以備緩急今敵犯行在既不能赴難反乘時為盜我恨一女子不能引劍斷汝頭以快眾忿寧肯受汝辱以苟活耶賊刺殺之投江中而去弼歷陽人也

以上俱盧志

何氏吳人吳永年之妻也建炎四年春金兵道三吳官兵遁去城中人死者五十餘萬永年與其姊及何奉母而逃母老待扶持而行卒為賊所得將繫其姊及何何給謂賊曰諸君何不武耶婦人東西惟命耳賊信之行次水濱何謂其夫曰我不負君遂自投於河其姊繼之

宋史本陳長方二烈婦傳

劉士英妻陳氏居父母家建炎之禍被獲赴井死士英字仲發武康人靖康初通判太原與金人戰被執罵賊不輟死

盧志按

士英宋史有傳

祝礪妻徐氏郡人侍郎林之從姑

一云林之妹

通判壽之女敏慧能

詩孫覲以為不類婦人女子所為其筆墨畦逕多出於杜子

美而清平沖淡蕭然出塵自成一家人其賦尤工有閨秀集二卷傳於世稚山嘗侍夫人坐有言太素脈類妖妄者夫人徐曰醫和視晉侯之疾而曰良臣將死天命不祐非太素脈乎其學識明辨類如此磯處州人也

盧志

沈清友姑蘇女子能詩有云晚天移棹泊垂虹閒倚蓬窗問釣翁爲底鱸魚低價賣年來朝市怕秋風甚得風人之體又詠漁父云起家紅蓼岸傳世綠蓑衣詠牧童云自便牛背穩却笑馬蹄忙其下字之工如此

隨隱漫錄

王埜母鄭氏吳郡人埜以父介蔭厯官浙漕忤權貴丁大全嘗被論埜以母年老託言改除母曰我已知之昔汝父以忤時

相去國汝又如此我方喜耳何憂

莆田教諭徐大章妾顧氏西洞庭人大章亡主母欲嫁之氏不從一夜眉髮盡白守節四十七年元大德元年卒郡守陸俸弔以詩有老在片時天助節名留百世日爭光之句

太湖備考

元

趙淑儀吳縣趙夢炎女清獻公并之裔孫也夢炎臥病時年七十餘家貧無醫藥資淑儀年十八乃焚香禱於天割股以進父患尋愈大德中里社上於總管董章製孝女歌書綵障表其門仍贈錢帛豚酒

姑蘇志

盧廷瑞繼妻周氏名妙寧其先自彭城徙吳年十九歸盧視先

配所生恩踰己出廷瑞為江浙行省屬官臨安一嫗為人嚮
金珠偶失無償將殺身以自明哭泣過市周聞而哀之願脫
簪珥為償廷瑞乃代輸其價嫗得無死事聞於省皆稱其賢

鄭元
祐傳

宋无妻趙氏年十九歸无家儉事二親孝謹嘗割股灼臂禱其
疾佐无成家不少怠喪葬大事咸藉氏力年七十四先无卒

宋无
自志

后載妻失其氏載為郡吏至正丙申行役京口妻年三十姿色
姝麗生一子一女城陷先屬子女於姻謂所親曰吾夫在遠
而罹此大變或不幸被強辱雖欲死不可得矣寧捐軀以全

吾志語未絕兵入妻赴水矣

姑蘇
志

廣平路總管浦源子玉田妻梅氏郡人至正十六年淮兵破城
梅氏匿旁小民家兵入夫逸去梅氏為兵所得見其色將污
之梅氏探懷中金與之乘間赴水水淺不得溺兵至水次以
刃擬梅氏梅氏不為動兵舍去後至者見婦面水上知其生
復欲鈎出之力挽不肯升兵怒以戈搯其腋死高啟
傳
楊椿妻王氏吳人張士德寇郡椿戰死氏被髮徒跣冒鋒鏑尋
尸三日得於張香橋下輿歸葬之與子女二人同日卒詳見
椿傳

七姬者段氏程氏翟氏徐氏羅氏卞氏彭氏皆江浙行省左丞

潘元紹妾元紹戰將敗七姬皆縊死互見塚墓

擔夫婦家郡城不知其姓氏夫在公庾為擔夫張氏時應募出

充戰士丁未六月戰死於城西門婦號泣城下得其屍解衣

拭之斂於棺哭盡哀既焚收骨裹以帛仰天大慟身與骨俱

投於水姑蘇志

劉節婦泰州坂埭人至正丙申隨父渡江居吳門適張士誠部

將曹某方數月夫陣亡劉不避凶險躬至死所求其屍歸葬

欲以身殉父不許既而權貴人聞劉美且賢欲強委禽焉劉

誓死不貳遂削髮為比丘尼輟耕錄

鄭允端字正淑宋丞相清之後居吳中號花橋鄭家嫁同郡施

伯仁能詩文嫻內則至正丙申妖兵據城家為盜所破三

十得疾而卒宗族私諡曰貞懿有集曰肅雍自為之序世實傳

薛蘭英蕙英吳人皆聰明秀麗能賦詩建一樓以處曰蘭蕙聯

芳二女日夕吟詠不輟有詩數百首顏曰聯芳集楊鐵崖製

西湖竹枝曲和者百餘家見之笑曰西湖有竹枝曲東吳獨

無竹枝曲乎乃效其體作蘇臺竹枝十章楊見其稿題二詩

於後自是名播遠邇列朝詩集

明

張槩妻金氏名淑寧吳人德儒先生之女年二十二嫁槩洪武

十九年槩得罪吏具辭將寘於法淑寧聞之曰吾雖歸張未

及期月義不可使夫獨死死於夫死之後孰若死於其前遂
經死後三月槩得宥天台林右作張烈婦傳姑蘇志

史景忠妻鄒氏年十八嫁景忠未幾景忠謫戍大寧鄒與其姑
及一女在行洪武丙子寇發大寧城中有欲犯鄒者鄒不從

脅以刃鄒嚙齒罵延頸受刃竟被殺時年二十一張和傳

蔡氏隱士韓奕妻讀書通大義善筆札嘗書經典梓行舊府志

吳氏者廬江人陳汝言妻居船塲巷汝言死子繼生纔十月吳

守節教子有司上其節孝成祖命御史廉之無所聞御史因

遣一人為丐者賃居隣空室日伺之寂如忽一日吳令繼於

後園鋤地吳自攜飯餉之置園門外地土即掩其門繼以母

所置不敢徑取乃跪而食焉御史即以實奏上嗟異以為有

禮詔旌門年八十六終王志堅傳

盧本立妻王氏居越來溪上本立早世王撫孤士誠織紵自食

禦外侮舉三喪歷五十一年卒士誠又早歿媳朱氏與姑同

志鞠孤日紀日綱成立其孫雍襄並成進士沈周王志堅傳合纂

顧氏名妙明知州均義女均義好談忠節常以古賢淑訓之妙

明日此亦人耳均義喜曰女志有在矣嫁杜玉玉家市中顧

為婦言笑聲不過隣壁子瓊生逾月玉卒顧盛年罷容飾惡

衣食紡績以養舅姑舅亡姑病瘕侍湯藥者六年瓊長令從

陳繼學夜執女紅與共燈火讀書瓊以學行為名儒里有病

革者屬其妻學杜節婦其妻感之不再醮正統四年知府況

鍾奏旌其門卒年八十四

陳繼傳

于得泉女許贅徐景仁未婚而景仁以罪坐劓景仁父以子殘廢欲已婚得泉甚悅女不從曰彼初非殘者竟成婚事夫甚謹後數年景仁以前事成雲南其弟于祿謂曰若他適可免

否則死萬里矣氏曰此何難遂自經死

姑蘇志

陸氏子以吹笛為生其妻田家女也陸病久女歸父家求升粟

還陸已死女哀哭祭畢遂自經於夫尸之旁

姑蘇志

王妙鳳東洞庭人許嫁吳奎奎母有淫行不欲行母不許妙鳳歸吳以禮自將奎常商於外妙鳳獨與姑居一日姑與所私

飲并欲汚之計不可得姑命妙鳳取酒乃挈瓶不進從爨室

舉燎火警之不去復入戲紵其臂妙鳳憤極拔刀斫臂不殊

再斫乃絕父母欲訟之官妙鳳曰死則死耳豈有婦訟姑理

耶逾旬卒里人白於縣縣梗姑婦之議寃不獲伸

杜啟人物志明史有

傳

曹順妻葉氏東洞庭人景泰中順死旅邸舅姑欲改嫁不從復

強之一夕自經簷下明日其夫骸骨適歸遂合葬焉

震澤編

葉芸妻鄒氏嫁僅兩月芸卒鄒毀容誓死不出房限不見男子

姑曰如火盜疾病何鄒曰火至委軀煨燼盜至則先自刎疾

聽其死不得令醫診察年逾六十卒遺命就殯於室毋受親

戚男子弔夜半舉柩毋令人見姑蘇志

張氏名妙微河南僉事存誠女八齡隨父任南京助教道遇寇

掠露刃加父妙微以身蔽之寇不忍害編修諸質時攝監丞

事聞女孝行遂聘為子景通婦既娶景通死妙微年二十四

誓不再嫁撫子祥課之成業後以歲貢官曹州同知吳寬誌

葉氏女東洞庭人幼有志操聘於周氏周子無行葉泣曰忍以

此身自污耶誓不與成禮久之周子死父母欲嫁之又哭曰

忍以一身許一姓耶乃祝髮為尼又賀氏女聘於張將成禮

夫卒衰服往哭持喪三年不肯歸久之亦為尼與葉並居寒

山庵自力衣食戒行凜然年皆八十餘終震澤編

張氏都御史毛瑄妾也年甫二十瑄卒將殮張抱棺碎首流血

求殉親衆持之得不死既殮入臥內給從者出閉戶自經衆

毀戶救解瑄尚有張沈二妾泣語之曰汝盡矣奈我兩人何

張不得已乃剪髮登樓足不履地者四十餘載後膺旌典汪起

鳳傳

胡氏淑寧年十九許嫁楊皓皓商外十七年不返淑寧不嫁已

訃聞泣曰命矣夫求婚者接踵父祖強之堅不從恪守志節

以終其身王志堅傳

顧氏長洲顧睢女年十七適劉嘉緒嘉緒負才早卒遺孤穉孫

甫四月投繯僻所姑急救甦諭以親老子幼誰與朝夕氏從

之衣縞素斷葷血日紡績養姑課子讀書夜則博觀經史小學列女傳諸書獨不信佛守節五十年壽逾七十

王志堅傳

熊氏青州人父慶澤來家於吳女生而端慧通經史許聘無錫秦漢漢暴死女泣不食謂侍婢曰吾死尸當歸秦自縊者再皆以救免有馬謙叔者慕其賢為子求婚女聞引刀斷髮截其右耳流血仆地父母急傳以良藥久之乃甦願終身侍父母側及漢葬衰服送之以堊塗其旁為一穴曰吾終歸於是太守扁其堂曰貞烈月致薪米

王鏊傳

嘉靖六年旌表

俞氏吳縣學生顧春妻春患病將革與俞訣勉其守節俞號泣不止因以指抉雙目不得出乃以剪刺其左目血流遍體復

欲刺其右姑奪其剪諭之曰爾欲養舅姑育二子留其一目

可也越六日春卒

姑蘇志

顧氏貧家女幼字許某許不肖而貧倩媒議改字返聘女曰有死無二父母弗能強許憾訟之官知縣宋儀望廉得其情重笞許而嘉其志女依兄弟以居終身不笄年逾八十而終

縣志

沈成德妻徐氏西洞庭人年十五歸沈事後姑盡孝成德客死遺孤三人皆幼家貧舅姑強其改嫁氏斷髮毀形誓死不奪冬夏棲止斗室中風雨不蔽日不再餐守節五十五年

王志堅傳

余佈妻馬氏橫塘里人養姑以孝聞嫁甫五年夫死無子生一女姑欲奪其志有田二畝半粟弗與馬不為動姑潛納某聘

一夕鼓吹臨門姑趣治粧入臥室自經死几上尚有食糠二

器

徐鳴時
橫塘志

韓廷珪妻孫氏廷珪以販蓆寓潯陽孫與二女金蓮玉蓮隨宸

濠陷九江廷珪適往龍坪鬻貨人勸孫逃孫顧女曰逃必污

辱計惟一死女曰生死無相離於是母女共取長繩繫腰赴

河死孫年三十五女長年十四幼年十一至嘉靖初分守參

政范永鸞勘實奏聞得旌

陸嘉穎傳
按明
史作衛廷珪誤

三貞女嘉靖癸丑夏倭寇吳中行劫婦女一弱女乘閒得逸父

母行求得之號泣曰吾力不能自衛求死未得何顏復存世

間遂投河死失其姓氏又蔡氏女者寇來家衆皆奔女徬徨

不知所之賊執而褫其衣驅之前至橋邊躍入水復援登岸

至暮俟賊寢取其刀連刃之不能殊賊驚呼磔其肢體又韓

碧溪女素有志操聞賊之暴嘗誓於父母曰緩急不能相顧

惟不爲門戶羞耳賊至遂投於河賊援之出復奮而投竟溺

死焉

劉鳳續
吳錄

五貞婦嘉靖癸丑倭至洞庭東山周灣見一衰服少婦強驅之

婦懇曰人皆奔避我以夫喪在故願死守白刃固甘之但有

嬰孺姑老病莫養艷者固多何必此窮悴者賊義而釋之又

隣婦某氏賊犯之不從刀斫其鼻愈奮而起乃置之而淫他

婦又一小家女寇始及門倒投井中死一婦守視夫病聞外

蘇州府志 卷一百九
哀號聲卽自刎周山又有婦少而麗導者知之引賊至其室
婦以帛周身束之不可解且詈賊賊怒以刀裂其體無完膚

續吳錄

洞庭少婦爲倭所掠過獨板橋二倭前後扶曳側足而行進至
橋心婦兩手堅握倭臂號呼踴而墮水二倭爲所牽俱溺死
又有夫婦相攜避倭匿渡僧橋下破船內倭搜得之殺其夫
婦叫罵不從倭執刀恐之罵益厲竟爲腰斬其夫中刃未殊
得不死收葬婦終身不娶

舊府志

曹鑑長女蘇州衛屯軍避倭以小舟載蘆葦中賊至先抱幼男
官壽赴水尋自溺後撈出母子尸猶相抱

黃魯曾
往哲記

陸某妻浦氏早寡撫孤子桂成立桂亦至孝母失明徒跣二十
里禱周孝子祠母目豁然年登九十無恙萬曆二年以母貞

子孝同旌

邑志

殷國彥妻潘氏木瀆人年二十二而寡茹齋守志至六十九歲
預刻死期及期櫛沐整衣不進飲食家人固請曰此間無受

處含笑而逝

馮翼瀆
上編

殷貞女貢生殷懷沖女七歲喪母哀毀如成人年十六字陳元
儁未嫁元儁卒女聞卽閉閣自經以救免仍絕食求死兄時
偉譬解之女曰卽欲苟延乞請之父俾我成服往弔父慮女
往且死難之女曰吾敢重父憂乎乃手割左耳盛器中授時

偉為我持此往祭慟絕而甦事聞府縣上牒御史請旌女堅
辭乃止日惟坐卧小樓縞衣藿食嘗患危症矢不延醫日吾
求速死安可令醫指着我臂耶越十年為萬曆丙午病卒

王志

堅傳

陳惠妻須氏善人橋農家女年十九適陳惠早亡無子土豪顧
臣艷其姿欲攘為妾糾黨百餘入其居強娶之翁姑涕泣莫
敢誰何氏獨怡然密赴後園自經死知縣周爾發痛答擬抵
將上其事於巡按御史請旌會爾發調任未果

王志
堅傳

戈氏女家百花洲三歲父許字徐某子後徐子殤女誓不他適
家人恐其未必堅以他言試之遂截耳以矢終身一室中

馬翼

瀆上
編

須烈婦吳縣人

邑志梅
社人

夫李死市兒悅其色爭欲娶之婦泣曰

吾方送一夫旋迎一夫且利我夫之死而妻我不猶殺我夫
耶市兒乃糾黨聚謀將掠之婦驚奔母母懼不敢留返於姑
姑懼如母投姊姊益不敢留婦泣而歸隣人勸之曰若即死
誰旌若節者何自苦若此婦度終不免遂自經死

明史

太學生姚汝轍妻文氏衛輝同知元發女也年十五歸姚二十
二汝轍歿時子希孟生甫十月氏事兩姑乳幼子茹荼四十
年希孟起孤生以長洲籍登第文章操行為時名臣得之母
教為多萬曆二十四年巡按御史薛貞題旌

王志
堅傳

吳琛女家石湖東薛家村少字莫周未嫁周死父欲改字常熟張某官通判者方委禽女求死不食五日父知不可奪乃止

年九十一卒

徐鳴時傳

趙宦光妻陸卿子尙寶卿師道女夫婦偕隱寒山宦光寡學而

好著述師心杜撰不經師匠卿子學殖優於宦光遠甚詞章

翰墨流布一時有雲卧閣及考槃元芝等集

列朝詩集

徐媛字小淑參議范允臨之室允臨以臨池負時名而小淑多

讀書好吟咏與寒山陸卿子唱和稱吳門二大家

列朝詩集

周氏東洞庭人年十九適曹憲輅越二歲憲輅病羸竭力醫禳

盡傾奩資歷五年憲輅病篤屬氏兄曰我負此賢婦當善遣

之氏聞之曰是何言哉我不欲先死恐傷君耳及卒從容爲

夫沐尸更衣并易已衣周身密縫之自縊夫側

陳宗之傳

沈氏吳江人從父徙吳適黃居堂家壁立工丹青年二十四居

堂死斂畢卽投纆居堂兄覺之泣曰弟無後而有遺孕倘生

男弟不死矣氏拭淚從之屏處一室椎髻垢面日勤刺繡或

臨夫畫冊粥斗粟自給後果生子元吉稍長卽課之讀篝燈

繡績每隆冬單衣膚肉皴痂至夜半欲寐引針自刺其臂年

餘五十父患瞽無子獨棲臯峰山氏曰非吾奉養不能全父

餘年矣乃歸父茅舍親刈草舂米以供朝夕崇禎十年提學

御史以聞詔旌節

陳宗之傳

殷桌妻葉氏東洞庭人桌客遊得疾歸遂卒氏視含殮畢投繯

死時年二十八

金俊明傳

文俶字端容貢生從簡女明書習禮歸趙宦光子均宦光歿均家日落而好賓客俶性明慧所見幽花異草小蟲怪蝶信筆渲染皆能撫寫性情鮮妍生動圖得千種名曰寒山草木昆蟲狀摹內府本草千種十日而就又以其暇畫湘君擣素惜花美人圖遠近購者填塞貴姬季女爭來師事凡酒食旨蓄晨夕百需靡不出俶十指中均不知其所由辦也無子有女曰昭嫁平湖馬氏有才藻而孝俶夫婦歿手撰事狀使嗣子銳請銘於人

張敏德妻楊氏崇禎時寇發居民奔竄氏促夫負孀姑先逃罵賊嬰刃死

申允庚妻周氏嘉定伯奎女也甲申之變不食死

齊某妻張氏諸生宏謨女也孀居乙酉兵至自刎不殊有錦衣者至兵指曰此將主也從之則富貴大罵被殺又夏尙伊妻周氏同女壽姐避難華家墩兵至皆不屈死又諸生盧啟祥妾蔣氏王化民妻黃氏守備吳自龍妻周氏曹廷禧妻錢氏諸生徐昌妻韓氏丁浦母李氏諸生薛咸妻宋氏陸四妻湯氏張仲奇妻曹氏金滿妻徐氏武進士陳智錫妾湯氏侍女丹鳳指揮吳元韶弟婦某氏諸生張起英二女皆投水死唐

雲泉妻顧氏自經死諸生毛澤卿妻某氏諸生徐樹聞妻張氏皆不屈死錢延卿妻袁氏徐某妻曹氏皆自刎死徐秉義忠烈紀實

沈氏女許字黃于庚未嫁夫亡女年十九父母議改適女聞閉

戶自縊以救甦自是縞素棲止一樓家人罕得見鼎革時兄

欲攜之避兵女曰樓居三十年死固吾分奚避為遂絕粒死

于庚弟家芳迎女柩與于庚合葬虎邱縣志

席啟章妻張氏東洞庭人乙酉山中兵擾姑欲挈之奔避氏素

有跛疾謂姑曰不走則被執走則累姑我寧死不受辱遂乘

閒自縊

西洞庭鄭揚宇妻蔡氏初從夫僑居湖廣明末歸吳遇流寇被

擄氏誓死不辱賊斫之斷臂死鄭氏家譜

東山周氏年十六適葉嬰暉甫一月夫客於松江逾年卒氏聞

訃縊死

歷年旌表貞節凡列女事行具載如前其舊志所載事蹟略同或未詳者分已旌表與未旌表各彙

著姓氏於後餘縣仿此

張成妻唐妙堅宋濂作旌門頌 姚榮妻黃妙清蘇伯衡作旌門頌 陳可久

妻孫氏俱洪武七年旌可久媳孫氏亦早寡守節徐有貞作雙節堂銘 呂元哲妻錢氏二十年

旌 蔡仲彬妻夏氏永樂初旌 印仲彬妻周氏四年 戴君用妻

吳氏宣德三年旌 王友諒妻陳氏十年 諸生俞毓妻狄氏正統四年

旌 姚宗敏妻盛氏 諸士賢妻祝氏 俱正統六年旌 士賢孫泰亦早卒 妻張氏守節

奉祖 杜德潤妻費氏 正統十二年旌 見補乘 郁信妻矯氏 成化五年旌

顏鎡妻吳氏 十八年旌 蘇倫妻陸氏 十九年旌 李芳妻傅氏 宏治十一年旌

王昂妻唐氏 十二年旌 進士顧竝妻杜氏 十三年旌 楊貴妻唐氏

正德三 顧應祥妻朱氏 十六年旌 賀元良妻吳氏 嘉靖元年旌 顧

昂妻范氏 十五年旌 劉炳妻杜氏 萬曆初旌 殷相如妻錢氏 十九年旌

許聘袁某徐氏女 二十七年旌 繆天秩妻張氏 三十四年旌 倪必裕

妻徐氏 天啟四年旌 顧天爵妻陸氏 六年旌 翰林李芳妻沈氏 七年旌

旌 許震妻徐氏 崇禎初旌 王士英妻徐氏 四年旌 嚴林甫妻劉

氏 七年旌 許明臣妻翁氏 十年旌 席時龍妻吳氏 周重仁妻

王氏嗣子士元妻陸氏 姑節婦孝並旌 俱十四年 徐道統妻顏氏 木朝 乾隆五

未經旌表貞節

虞禎子婦陳氏 顧氏婉寧 徐襄妻蔡氏子義妻馬氏 吳

孟實妻徐氏 賀元吉妻金氏 朱鑰妻葉氏 馮旻妻蔡氏

子時春妻陸氏 蔣鉞妻施氏 張有光妻李氏 夏雨妻趙

氏 錢汝威妻朱氏 陳同河妻朱氏 計廷貴妻沈氏 朱

仲昇妻曹氏 孫尙志妻錢氏 馮汶妻朱氏 許字鍾某殷

氏女 胡應時妻張氏 龔元齡妻陸氏 韓與爵妻俞氏子

懋康妻文氏 尹炤妻馬氏 劉誠妻張氏 諸生伊應錦妻

夏氏 殷志棟妻胡氏 沈鵬祥妻金氏 沈某妻談氏 陳
 用妻某氏 史雲翔妻黃氏 國子生姚大綬妻金氏 李明
 宇妻徐氏 錢某妻陸氏 葉禹妻席氏 吳安忠妻周氏
 王廷貴繼妻管氏 許字張應龍周氏女 袁應詔妻吳氏
 范允福妻姚氏
 木朝

○嚴燦妻顧氏柳社人年十四歸嚴善事舅姑得婦道順治二
 年羣盜陳攀等劫富豪金華家明年二月攀繫獄華與燦素
 有隙誣以攀黨始擬戍後改辟七年 敕按臣覆讞氏挾刃
 懷贖至御史前自刎死其詞有曰夫死日促婦生奚益與其

死於夫歿之後孰若死於夫存之日棄氏尸於市衢以彰冒
 犯之罪救夫命於縲紲以伸冤抑之情觀者歎息會御史還
 臺不及平反八年御史秦世禎按吳廉其實疏白燦冤表氏
 為烈婦寘華於法縣志

○周文遂妻馬氏東洞庭人年二十二文遂死無子氏截一指
 納棺中曰吾弗忍即死以待吾夫葬也居二年姑歿又二年
 父哀其窮呼歸諷改節氏持斷指曰此不能復伸矣泣而歸
 周家人疑之防視甚密氏據牀製鞋歡笑如故是夕闔戶自
 經死家人晨入衣袂蕭然殮事無不先具惟鞋乃昨所製也
 時年二十六總河朱之錫題其塚曰清故安節烈婦馬氏之

墓

縣志

○圻者袁七妻陳氏唐村人舅姑早歿生一子甫週歲七傭作數出比隣惡少周二輒調之正色屢拒一日叩門乞火將犯之氏大聲詬呼乃去因促夫徙居夫曰貧不能徙盍以刀自衛康熙四年正月十一日夜二潛身啟鍵入氏驚起揮刀斫之中其手二奪刀還斫殺氏復斷其首而走逃至安山橋忽見紅霧四合遂迷所之為隣里所獲鳴官斃於獄巡撫韓世琦為立碑里人建祠以十節婦配焉十節婦者顧祖淳妻高氏趙宏祖妻施氏王士元妻沈氏王永茂妻張氏金憲文妻顧氏朱鍵妻吳氏袁承佑妻鍾氏徐聖妻金氏朱士才妻陳

氏楊家未婚女徐氏皆同里也

舊府縣志合纂

○鮑邦舜妻蔣氏旌德人寓吳年三十夫亡撫七歲孤效良苦節歷四十年人莫之知也後效良以母病誓神登胥城剖腹得肉歸煮湯飲母病遂愈紳士造廬致敬效良具述母節甚悉里閭以聞康熙十八年巡撫慕天顏請旌其母額獎效良

縣志

○沈子猷妻金氏夫亡宗黨逼改適不從子猷有姑同居素與隣周丑通并欲污氏氏大罵被擊仆地而死巡撫湯斌勘實姑與丑棄市氏請旌表

縣志

○管正偁妻徐氏夫早亡誓以身殉一女甫二歲提抱極踈曰

姑甚慈盍累諸一日方晡登樓燃香誦經屬婢瀟茗俄而香
在佛前氏經牖下矣舊府志

○蔡瓊藻妻周氏名壽英西洞庭人瓊藻有心疾其兄瓊滋輒
往調之壽英訴諸姑姑反恚曰若嫌若夫不慧今得慧者顧
猶不快耶瓊滋益無忌復走調之壽英知不可訴急自縊死
時年十有九里人洵洵將控之官會父之球遠客湖廣蔡氏
復納賄止其事寃遂不白康熙十五年壽英死二十餘年矣
瓊滋忽夜發狂鍵戶手刃其妻與所生女乃自刺死明日家
人開戶見三尸相枕藉大駭有小婢匿牀下具言中夜窺見
一紅衣女子往來室中若導之使殺者衆始悟爲壽英魂紅

衣蓋壽英大殮時所服云

汪琬撰墓表

○顧汝紘妻沈氏東洞庭人夫亡哀號絕食五日不死尋自刎
仆地復起整衣而逝有司獎之

○王氏女許字金上孚未婚聞訃欲奔喪不得哀號成疾瀕死
謂父母曰兒雖未嫁然夫婦之義已定宜上金氏坵隴同穴
而葬舅姑哀其志許之女遂卒

○陸氏陽山農人女許字某未嫁夫亡父母欲奪其志不食數
日死

○黃永祥妻劉氏永祥因兄負客逋連累被逮懼刑投河氏大
慟亦赴水死郡守陳鵬年立祠表之

以上俱舊府縣志

○惠有各妻李氏年十九歸惠生子世俊未周晬遭明末亂有名遇難氏撫孤矢節有族子挑之又諷以改適氏以刃自刺不殊忽雷電交作天地晦冥族子懼而止乃依妯氏以居常縫紉自給久之積所留衣船之敝者鑄銅杓錫壺兩器遺世俊曰人之積學猶如是矣守節五十七年康熙四十二年旌

徐葆光
撰傳

○諸生郭可妻陸氏姑病刲股以進尋愈越半載又病亦如之及可病復刲股療之各憲額獎縣志

○戴氏女許字吳其機夫亡女衣麻茹素誓不更字服將滿投繯死年二十五康熙六十一年旌

○周啟賢妻龐氏夫歿即欲身殉舅姑勸止越日投繯死年二十三

○李遜如妻陸氏早寡俟夫入土赴河死吉安守吳銓義之捐貲購地遷其夫棺合葬研山麓

○葉氏女東洞庭人許字王氏子未嫁夫亡女成服詣柩前斷指自誓聞有議婚者乃縊死通志

○邵氏女字申希文未嫁夫亡聞有他姓議婚遂絕粒死通志
家述有申繡虎聘妻邵氏未婚夫亡絕粒死時年十六係康熙戊寅年事疑即一人

○申氏許字錢厯才未嫁夫亡自縊通志

○監生盛大業妻歸氏年二十二夫亡撫三歲孤師修勗以學

行歲饑針芻易米供姑已齧糠粃夜與姑同衾省視寒燠娶媳高氏善事孀姑一如歸云雍正三年旌

○曹符妻蔡氏

縣志作秦氏

夫亡紡織自給得粟先飯姑及子女而已常忍饑有老嫗屢勸改嫁氏拔刀自刺姑急抱持之養姑至九十壽終子嘉愈爲縣學生雍正三年旌

○羅廷佐妻錢氏夫客死聞訃自經雍正五年旌

○施水蒼妻陳氏嫁甫三月夫亡忍死養姑姑歿氏亦絕食死乾隆二年旌

○符水女許字嚴有政未婚聞訃過門成服姑與母商奪志卽閉戶自縊乾隆二年旌

○貝啟祚妻程氏在室時父病瘍氏親吮其毒染病幾殆年二十七夫亡誓殉奉姑命撫七歲孤成立守節三十二年乾隆三年旌

○張雲翔妻周氏年二十一夫亡自食鹽滷以殉按察使徐士林表之

○周鉅妻江氏年二十四夫亡遺腹一女紡績奉姑撫姪爲嗣忍寒夜績竟凍死時身衣破苧牀無藁薦也乾隆八年旌

○賈氏太學生南式女十八父病女侍湯藥晝夜無倦及父歿哭絕復蘇視殮畢乘閒自經乾隆九年旌

○董彩姐瑞聲女瑞聲夫婦往田工作比隣黃如詣門狎之女

奔訴父母如逸去女不勝忿乘間自縊如論死乾隆九年旌
○吳氏女名淑貞東山後巷人許字白沙葉公序公序染危疾
訛傳其死淑貞方刺繡聞之卽飲泣登樓自縊時康熙七年
八月二十三日也年十七

○葉建章妻周氏楊灣人年十九嫁甫一月建章服賈松江尋
病死姑恐傷其心弗令知氏潛覺卽欲自盡姑謹防之一日
伺婢睡熟遂起流櫛整衣裳周身密縫自縊死時變起倉猝
棺衾無措姑夜夢氏告曰篋中有銀十餘兩足辦後事啟之
果符所夢焉康熙九年事

○徐氏女湖沙人許字葉懷德懷德病瘵卒訃至夜投後園池
中死

○康鈇妻葉氏東洞庭人年十九夫亡有勸改適者氏以頭觸
地血淚被面翁姑懼密防之伺稍懈卽自縊去夫死八日康
熙十九年事

○嚴信任妻陳氏武山人年二十六夫亡一子又殤氏卽欲自
裁以夫棺未葬隱忍七年及營葬畢遂投纆死上下衣皆密
縫事在康熙二十五年

○秦宏道妻葉氏年二十五夫卒氏日夜號泣絕粒死時康熙
三十一年

○施氏名婉貞東山人知禮節通文墨年二十適金灣吳翰章

越四載而寡無子氏忍死奉夫遺命爲立後又拮据葬其先
三世繼姑弗恤謀奪其志氏知終不免乃題絕命詞四首於
壁自經死檢討張大受爲作哀辭

○周魯源妻嚴氏年三十魯源病卒氏投井死距夫死纔三日

○周國兆妻席氏下席人年二十夫亡踰月自經死

○王世榮妻葉氏楊灣人年十八嫁越五年夫病氏典衣飾以
供湯藥焚香籲天願以身代疾竟不起氏絕粒五日而死時

康熙六十年

○沈氏女東山人父母早喪依兄鑑明以居許字張文煒文煒
病歿鑑明祕不與聞久之乃覺闔戶自經死張氏迎其柩與

文煒合葬

○朱大櫬妻席氏東山人夫亡四日自縊以殉已上十二人皆武山吳莊所采訪

○蔡軒明妻殷氏西洞庭人乾隆十一年壽百歲撫臣疏聞奉

旨建坊旌表加賜銀十兩內造緞二疋以上舊志

○范學佚妻徐氏結褵僅四十日夫亡氏慟哭卽自縊于房

○范徵載妻朱氏夫亡自縊時康熙六十年

○翁齡年聘妻吳氏吳君聞女武山人齡年死氏手書致其翁
姑陳說大義遂歸于翁未幾父卒泣謂母曰三從之道女無
一焉生亦何爲夫服除從容自經死年二十康熙十九年事

○嚴士元聘妻范氏沔陽人也年十二爲養媳士元從父客楚過亂音信久絕姑欲令更適曰吾有夫將安適有姑繫誰養姑歿隣里俱勸改嫁曰吾老矣敢自辱年八十有三卒

○金五觀妻嚴氏五觀爲人所殺氏奮身控告官爲正法子實娶周氏實死姑媳並勵苦節

○徐桂妻陸氏年二十一夫歿後九日生遺腹子卽殤絕粒五日死

○胡公輔妻黃氏西洞庭人年二十九夫亡無子夫弟潛納人

聘迎娶至門氏遂自經死

以上見吳門補乘

○陳文繼妻李氏夫死三日自經死康熙五十六年事

○鄭允元妻蔣氏二樓女也順治四年盜劫二樓家氏適歸寧盜露又脅之氏抱一松樹大詈盜鄙其兩臂臂斷而尸立如故年二十一歲

○東里蔡士賢妻戚氏年二十一士賢邁疾垂絕一子亢宗在襁褓士賢屢顧之氏齧左手食指血淋漓示夫目遂瞑舅欲奪其志氏引刀自破其面卒撫孤成立卒年七十一

○頭圖橋金某妻倪氏年十七夫往楚尋父抵武昌死氏聞訃後生遺腹子瞻乃質其釵珥衣服偕兄倪某挈孤赴楚扶櫬并跡翁所在迎歸奉養郡守陳鵬年賦詩旌之

○朱氏多姐慈里朱顯甫女年二十許字徐氏有鄭姓無賴子

瞰顯甫他出強逼之女大呼得脫氣忿極至夜自縊死康熙三十年事

○葉秉忠聘妻魏氏副榜沈度女秉忠歿於都中女在浙聞訃一慟而絕桐城方苞為作哀詞

○徐元煥繼妻蔡氏年三十九夫歿氏自經遇救泣曰舅姑沒前室二子已成立何用未亡人邪二子跪勸閱十日緝其衣履仍自刎

○殷昆陽繼妻高氏年二十四夫歿既殮自縊死以上六條見西洞庭節孝

志畧

○陳鶴齡妻王氏年十九夫病危深夜露禱願以身代夫歿誓

以身殉舅姑勸止之家貧紡績以供薪水上奉舅姑下撫孤子舅姑沒喪葬盡禮子亦成立守節至五十四歲卒乾隆三年旌

○東洞庭李某聘妻黃氏瑛娘幼失怙恃依其叔祥智家年十七李病篤有葉某者偵知李將死求婚于其叔未幾李訃至女堅請奔喪叔不許訂婚于葉女不從即於葉氏來迎之夕赴水死乾隆十三年事

○王本石聘妻夏氏廩貢生開鸞孫女沂之女也居太湖濱金墅許字長洲王本石死女自刎其衣裳懷王氏聘帖自經死年二十六乾隆十四年事錢大昕為作傳

○西洞庭沈開榮妻黃氏乾隆十五年七月開榮病劇氣絕氏爲夫立後經營殮具潛入室自刎翌日開榮復甦氏則不可救矣年二十五布政辰垣旌其門曰奇烈無雙

○東洞庭周德先妻錢氏夫亡七終祭奠畢卽自縊死年三十有二乾隆十四年事

○錢君安聘妻王氏進士岱東女君安病篤女聞之不食訃至吞金環食銀硃俱不死明年病咯血又二年爲乾隆戊寅有請婚者女覺慟曰吾三年中所以不卽死者猶冀歸我有日耳今已矣一日昏絕復甦自言吞金倍重於昔言訖下血數升死年二十二

○葉茂功妻方氏東洞庭人茂功執事於族之富人家以讒死富人燔其骨南陽好事者蠶起富人戎首方老而獄之氏紉上下衣挾一剃刀將血於琴堂舟子見其異給之返乃詣虎穴九頓首冀免父富人妻叱之出氏益憤呼天自裁旣絕尸躍起血四射富人賄彌其事釋方老於獄見陸燕喆方烈婦

詩序

以上五條見吳門補乘

○徐景雲妻蔡氏從夫賈于湖廣夫歿自縊遇救久之持小刃自刎者三氣遂絕乾隆三十二年事

景雲洞庭節孝志作元煥疑卽其字

○東村徐宏表妻沈氏隨夫僑寓長沙年二十八夫沒無子越二旬餘置一緘於几上懇族人立後而自縊乾隆二十六年

湖南巡撫題旌王鳴盛有傳

○蔡會均妻王氏年二十三夫歿殮畢乘間投屋後清池死

○馬尚瓚繼妻黃氏年二十三夫歿無子閱月餘麻衣縗經閉

戶自縊

○蔣廷昌妻沈氏夫歿墜樓以殉不得死迨夫服闋祭祀畢乘間自縊於夫主前年二十四乾隆三十六年旌

○殷國瓏妻金氏金鐸夫歿家貧服闋之日設蔬果自縊于夫主前年二十七

○徐明師妻蔡氏年二十三夫歿殮畢投河死張孝廉士俊有傳

○何振揚妻曹氏年二十夫歿慟哭絕而復蘇視殮畢即闔戶自經

○曹治仁妻朱氏年二十九夫歿家赤貧負土葬夫以十指養老姑夫兄潛與人議改適氏知之哭拜夫墓自經死

○葉陞階妻某氏年二十五夫歿氏自縊遇救仍絕粒七日而死

○焦山殷禮聘妻沈氏木瀆沈振宜女禮歿女稟命往視殮遂奉事翁姑不歸嘉慶二年春拜夫遺容畢夜投河死

洞庭節孝志畧

以上十條見西

○木瀆蔣天庚妻范氏吳縣廩生尊修女天庚死子光祖生甫

四月舅姑老而貧病節婦手調湯藥裁縫浣濯胥身親之姑性多恚節婦侍屏息不敢出聲夜聞呻唵輒立起候視及舅

姑庶姑相繼歿與夫凡四棺俱在殯氏積女紅數十年始克

買地葬四棺乾隆五十年卒年八十一歲五十一年旌二林居集

○庠生馬夔鳴聘妻楊氏年十九訃聞誓不再字姑曰此良媳

也當以禮迎之未幾女病篤泣曰我生不能事姑死得見夫

於地下矣遂卒節孝祠志

○邱在高聘妻金氏東洞庭人在高暴病死家人秘之越月餘

女微有聞卽稱疾卧床絕飲食旬日而卒邱迎其柩與在高

台葬乾隆十四年事葉申集

○席嘉采妻翁氏年十九夫歿紡績自給數年姑與夫兄嘉積

及姒氏相繼歿氏撫姪恒年授室纔舉子旋喪其婦未幾恒

年亦歿氏又撫姪子存嵩成立先是翁姑等五櫓俱厝義塚

氏日積數十錢暮年購地改窆乾隆五十八年卒年五十九

以上二條見西洞庭節孝志畧

○三思涇朱順天妻練氏澤塘練煥如女按學冊有烈婦朱世昌妻練氏乾隆五十

九年旌未知順天病瘵垂絕烈婦晝夜哭泣母遣嫗覘之聞

庭中駢然有聲急趨視見碎瓶在地氏怡然曰吾飲鹽滴矣

遂死夫目乃瞑氏年二十二無子止一女乾隆六十年事後

得旌吳門補乘

○王氏女素字瓊章旬安女也母先殞父多疾弟浩幼素矢志養親父歿代弟治喪既而浩受誣死浩子如松殉父自盡弟

婦丁氏哀慟亦卒素營葬三棺撫弟之子成立卒年八十一

嘉慶十年旌

潘奕雋撰傳

○胥各村張某妻胡氏早寡翁庠生熾昌姑某氏相繼歿貧不能葬氏舉三柩瘞屋後隙地躬畚鍤負土成冢嘉慶乙丑卒

年七十

西洞庭節孝志畧

○陳信妻甯氏角里村人信業農早卒氏年二十八無子女族屬羣不逞喉之改嫁冀瓜分財禮氏不從懇於田主姚某憫而留之遂終於姚年八十五姚義之葬於虎邱金雞墩

○王氏女洞庭人流寓長沙有姿色父母欲買作顯者妾女不從日加鞭扑遂自縊

○太湖營外委楊士超繼妻王氏嘉慶十六年冬祖姑卧房火婦奔救不能出並焚死年二十一嘉慶十九年旌

○張德揆妾蔣氏嘉慶二十一年夫卒氏仰藥而死几上存詩一首云薄命何須惜小星豈有光拔釵常換米求子暗焚香到此腸干斷都成夢一場九原尋故主明我潔如霜著有潔已集三卷殮時置棺中不傳

○包世錦妻胡氏二十六歲夫歿氏慟絕復甦曰親老子幼吾不竟夫志吾何以報所天勉起操作事舅姑惟謹姑病焚香

顛天願以身代歿則盡哀所生子殤嗣夫兄子為後愛逾己
出嘉慶二十二年旌

○貢生候選運同江元炤妻袁氏早喪父事母以孝聞既筭歸
於元炤乾隆癸丑元炤死殯之日氏奮身觸柱死嘉慶二十
三年旌

○監生汪祥澍妻唐氏景煜女幼讀孝經內則通大義二十八
歲夫病革語氏曰上有老親下無子嗣若何氏泣頷之夫歿
慟甚恐傷舅姑心曲加勸慰時嗣續計未定氏請於族人立
夫兄沅子寶榮為後翁歿事繼姑甚謹後以子爵封宜人卒
年四十七合葬於長邑二都十八圖周字圩管山浜石皮橋

道光元年旌建坊墓側并立祠

○何秀寰妻程氏夫死自縊於寢室年三十三道光二年旌

○錢氏烈女橫金塘農家女夫死守貞母兄逼嫁氏自縊年二
十歲

○王惟良妻徐氏橫金塘人夫歿氏自縊死時嘉慶六年

○袁文鐸妻周氏乾隆十年旌烈女周仙姐乾隆十七年旌陸文墉妻

郁氏乾隆十年旌朱世昌妻練氏乾隆九年旌王瀚文妻丁氏

嘉慶三年旌朱茂春妻蔣氏嘉慶五年旌姚蘊輝妻徐氏嘉慶八年旌

李繼熙聘妻陳氏素娟嘉慶十年旌孫開兆妻顧氏嘉慶二十三年旌

旌以上九人皆以
烈死事實俟考

○故城縣丞席壽豐妾唐氏壽豐之任氏留住蘇城壽豐在任病故氏聞訃即自縊時年二十六歲未旌

○監生吳廷鏗妻徐氏姑嘗遭危疾閱數醫不能治氏潛割臂肉投湯齊中以進姑服之而瘥幼習詩禮治家嚴整年逾三十卒錢大昕有傳洪亮吉有銘

○呂繼宗妻徐氏年十五適繼宗繼宗幼失怙逋負千餘金氏相夫經營償過半二十四歲夫歿遺貲四百金適與逋負數相當親故議留為三子衣食計氏曰亡夫誓不負人吾家徒壁立命也悉以償所負後歷繼姑生姑兩喪第三子又夭氏營葬數棺撫二子文炳仁杰皆成立

○烈婦譚士楷妻蔡氏 監生顧嘉煌妻繆氏 許再添妻吳

氏 三人木主在節孝祠其年月事實皆無可考



